




Mag. St. Dr.  
19527  
19528 P



19527 19528 85:

Bd. II. 36. a. b. VI. f. 16. a. b.

MICHALONIS LITVANI  
**DE MORIBVS  
TARTARORVM,  
LITVANORVM ET MO-  
SCHORVM, FRAGMINA X.  
multiplici Historia  
referta.**

ET,  
**IOHAN. LASICII POLONI  
DE DIIS SAMAGITARVM,  
CETERORVMQ. SARMATARVM,  
ET FALSORVM CHRISTIANORVM,**

*Item*  
**DE RELIGIONE ARMENIORVM.**  
Et de initio Regiminis Stephani  
Batorij.

*Nunc primum per*  
**I. IAC. GRASSERVUM, C.P.**  
*ex Manuscripto Ausihenico edita.*



**BASILEÆ,  
Apud CONRADVM WALDKIRCHIVM.**

**M DC. XV.**



ILLVSTRISSIMO DOMINO,  
OCTAVIANO ALEXANDRO,  
PRINCIPI PRONSCENSI,  
DOMINO IN BERESTETZKO,  
ET RHEZAN, &c:

DOMINO MEO GRATIOSISSIMO.



VOTIES Heroicum tuum animum, ILLV-  
STRISIME PRINCEPS, in familiari  
illa conuersatione, quame rerum Theologi-  
carum & Historiarum igitur, per quam  
gratiosè hactenus dignatus es, tacitus tecum  
arbitror & suspicio, non possum non divina  
illius meminisse sententia. Magnum Virtutis principium, vt  
paulatim exercitatus animus, visibilia & transitoria pri-  
mum commutare, vt postmodum possit derelinquere.  
Delicatus ille est adhuc, cui Patria dulcis, fortis autem  
cui omne solum Patria, perfectus verò cui mundus exi-  
lium est. Patria enim, quae in clarissimorum Magnatum si-  
nu quam splendidissime fousset, tenerrime adhuc atatis Ado-  
lescens, cum D. IV L 10, fratre tuo unico, quem Deus ad cale-  
stem Patriam ante biennium Massilia euocauit, discedens, non  
modò ex remotissima Poloniae prouincia, in supremos hos Ger-  
mania fines profectus es, ubi omnium Facultatum celeberrimi-  
orum Doctorum Lectiones, Disputationes, & Promotiones,

Hugo de san  
Elo Victore  
in Didasc.  
L.3.C.2.

BIBLIOTHECA  
VNIV. MAGELL.  
CRACOVIENSIS

## DEDICATIO.

qua singulari quodam fato Basileæ sunt creberrima, tanto e-  
gregia quavis discendi studio annis aliquot frequentasti, ut Ec-  
clesias illis, quas Deus in Dominis suis Amplissimis sibi collegit,  
gratulari meritò possumus. Euergetem illas habituras, qui in  
Virtute & Doctrina multiplex, ipsis quam optimè sit prospectu-  
rus: sed & Gallias, Italiam, & ad Balearicas usq. Insulas Hi-  
spaniam tanta felicitate perlustrasti, ut pro ingenio sublimi-  
tate illarum regionum, Linguarum aquè ac morum, legumq.  
singularem & admirandam prorsus acquisueris notitiam.

Efficacissimum autem ad huiusmodi Heroicos ausus incen-  
tiuum fuit, Maiorum Tuorum religiosa memoria. Quantus  
enim, Deus bone, Titauit tui Pater fuit, RVRICVS, potentissi-  
mus ille totius RUSSIAE Princeps, qui duodecim suis filijs,  
septem Amplissimos Ducatus reliquit, Kyouensem nempe,  
Vlodomiriensem, Halicensem, Czemiechouensem, Preaslauien-  
sem, Rheatanensem, & Pronscensem.

Tritauus tuus, quod cum Rheatanense celeberrimum Pron-  
scensem Ducatum possedisset, illustrissimum illud PRONSCCLI  
nomen in hunc usq. diem posteris reliquit.

Atavum tuum GEORGIVM PRONSCIVM, Casimirus  
Magnus, Poloniae Rex tanti fecit, ut illum, cum apud Tartaro-  
rum Duce detineretur, augustissima Legatione liberaret, &  
quam honorifice Vilnam in Lituanię deduceret, eumq. con-  
tra Moscum cum exercitu mitteret, ipsi etiam pro imperata  
victoria. & alijs singularibus praestis patriæ officijs, communi-  
totius Regni suffragio, amplissima Dominia donaret. Dux ille  
serenissimam Principem Solomiriensem, Heroinam laudatis-  
simam.

Frater eius, cuius iniuriis in divisione hereditatis animosè  
resistit, Magni Moscorum Ducis sororem duxit, ex qua duos re-  
liquit filios, ex quorum posteris unus, superiore seculo proprijs  
sumptibus tria millia Equitum, contra Stephanum Batorium  
Magno Moscorum Ducis auxilium adduxit.

Dice-

## DEDICATIO.

Dicebantur hi duo fratres, ut & ipsorum Maiores, Magne  
Duces Pronscenses, ut ex pactis & privilegijs Lituaniae Can-  
cellaria abundè probat: Paclla enim & fædera Duces Pron-  
scenses cum Polonia Regibus pepigerant.

Abaus tuus Heba, uxorem habuit filiam Tiuonis Vilnen-  
sis ex familia Podbipentorum, qui contra Tartaros fortissime  
dimicans, prope Mynscum obiit.

Proauus tuus, Vrbis Baiala Cerkievu, fundator, pro presiliis  
Reipublicæ Polonicae varijs beneficijs Palatinatum Kyouensem  
& aliquot in Russia finibus prefecturas meritus est.

Auus tuus Fridericus, Palatinus Kyouensis, duxit Bogusse  
Bohouitini, Magni Lituaniae Ducatus Thesaurary, Virti Maxi-  
mi, & apud exteros Principes acceptissimi filiam, cuius soror  
Tenczyno Palatino Cracoviensi primò, deinde Principi Radzi-  
wilii Palatino Vilnensi nupsit, ex quo, Deo ita benedicente, Io-  
annem qui in Dania obiit, & illustrissimorum Principum Sclu-  
censium, Georgij videlicet, Simonis & Alexandri matrem  
progenuit.

Aui huius tui Gener fuit celeberrimus ille Regni vestri Se-  
nator D. Ioannes Zborouius, Castellanus Gnesensis, cuius in-  
dustria Rex Stephanus Batorius feliciter in bello Dantisano  
vitus est.

Pater vero tuus Alexander Princeps Pronscensis, omnes pe-  
nè Adolescentia & Iuuentutis suæ annos hinc inde apud exte-  
ros peregit, linguis, bonis artibus & moribus, ac omnigena Vir-  
tuti, natura ali quodam instinctu deditissimus, ac propterea non  
minus litterarum ac litteratorum, quam omnium omnino in  
quacunque salutari scientia excellenitum per totam suam vi-  
tam Mecenas, & Patronus cum admiratione summus: ubi ve-  
ro ad perfectiorem progressus est etatem, Heroicarum Virtu-  
tum suarum primordia, in aula Caroli I X. Francorum Regis,  
quasi in amplissimo mundi Theatro, diversis conspicienda ex-  
hibuit nationibus.

103

## DEDICATIO.

Electionis noui Regis tempore in Poloniā reuersus ob amo-  
rem Patriæ, & maximarum Virtutum diuinam perfectionem,  
quā omnes Regni Praecones mirabantur, in senatoriū ordinem  
ascitus, Castellanus Trocensis factus, & unanimi Magni Duca-  
tus Lituaniae consensu, cum Palatino Vilnēsi Legatus in Gallias  
electus est, ut Henricum Regem peteret, & in Polonia Regnum  
deducere, apud quem quā polluerit gratia, nemo est in to-  
ta Polonia qui ignoret.

Quam promptus autem ille fuerit ad quaevis Patriæ pre-  
stantia officia, testatur Poloczko, Pskoua, &c. dum proprio sum-  
ptu militem satis numerosum Regi Stephano adduxit. Nec ulla  
unquam Tartarorum contigit incursio qua non fortiter be-  
roicam suam frontem ostenderit, patriæ salutem non consilijs  
modo, sed suis manibus strenue defendens. Testatur hoc tota  
Volinia & Russia: testatur Olisko, ubi exigua suorum militum  
& Aulicorum manu, cohortes Tartaricas inuasit, & per duas  
horas praliando, te inter ceteros hostes Polyphemum quendam  
Tartarum, furiosè sese defendantem, proprijs manib. occidit,  
victoriaq; potitus est.

Extollit illustrissimum huius Alexandri nomen Redka, ubi  
hostium quamplurimos cepit: Trophea meditatur Beresteczko.  
Norunt etiam alia quam plurima loca, quām caute vigilarit  
Tartarus, ubi Heroem Pronscium appropinquasse intellexit.

Ut semel autem omnia dicam, nullam unquam pientissimus  
tuus Pater, de Patria, quin uniuerso Christiano orbe bene me-  
rendi, & infideles Barbaros domandi intermisit occasionem.  
non sumptuum magnitudini, non capitī proprio pepercit. To-  
tum se suasq; res omnes Deo & Patriæ, animo quām religiosissi-  
mo semper consecrauit.

Laudatissimus huiusmodi Maiorum tuorum vestigij, ut in-  
sisbas sedulò, Affinis tui desideratissimi, illustris & Magnifici  
Herois D. RAPHAELIS LESCINII, Comitis de Lesno &c:  
Palatinidis Prestensis, Cuiavienensis, Castelani Vislicensis &c:  
hortatur

## DEDICATIO.

hortatur & illicit exemplum, qui inter Regni vestri Proceres,  
Virtute & Eruditione eminentissimus, singulari studio, Dei glo-  
riam, Ecclesiae Pacem, & Reipub. felicitatem usq; & usque pro-  
mouet.

Quando verò illustrissime Princeps, Germanorum, Gallo-  
rum, Italorum & Hispanorum ingenia & mores inspexisti ha-  
ctenus prudentissimè, & post redditum tuum in Patriam, quem  
nunc destinas, procul dubio cum Tartaris & Moscis nonnun-  
quam sis armis congressurus, opusculum hoc, quo huiusmodi  
hostium vita describitur fidelissimè, inclito tuo nomini inscri-  
bere & consecrare merito volui. Prior autem libellus anno 1550.  
in gratiam Sigismundi Augusti, Polonia Regnum suscipientis,  
alter verò anno 1580. Alexandri Ducis Sclucensis conscriptus  
fuit. Deprehendi utrumque manuscriptum apud Amicum  
quendam inter chartas celeberrimi quondam nostri Typogras-  
phi Petri Perna, cui ut ederetur, ex Polonia missus fuit.

Suscipe ergo Musas, Regi maximo, & Principi tibi agnato  
quondam consecratas, suscipe Musas rediuitas ex Polonia olim  
Basileam missas, ut lucem viderent publicam. Fauet Deus  
Optimus & Maximus Tutelaris, omni, quod felicissimum au-  
guror, quando vel Opusculi huius Genius, non nisi tecum, &  
sub Illustrissimi tui Nominis auspicijs, in Patriam redire volue-  
rit. Vale Princeps Illustrissime. Basileæ Kal. Octob. 1614.

Illustrissimi tui Nominis

studiosissimus

IOHAN. IACOBVS  
GRASSERVVS, C.P.



MICHALONIS LITVANI,  
DE MORIBVS TARTARORVM,  
LITVANORVM ET MOSCORVM,  
fragmina decem, multiplice  
Historia referta.

FRAGMEN PRIMUM.



AMETSI Tartari, barbari & inopes habeantur à nobis, gloriantur tamen continentia vitæ, & antiquitate gentis suæ Scythicæ, affuerantes eam semen esse Abrahæ, & nemini seruiuisse vñquam, licet vexatam interdum ab Alexandro, Dario, Cyro, Xerxe alijsque Regibus & populis potentioribus: & varias nunc diuisam in Ordas, id est, nationes. Siquidem ultra vicinos nobis Precopenses, complicesque eorum Belhorodenses, & Dobricenses Moldauiae finium accolas, Ordæ sunt potentes, Precopensisbus infense, Orientem versus. Alia Nahai, alia Chastorakanii, alia ultra amnem Tanaim, qui Volha appellatur, Zavvolsca, Cæsarïs Bati Vngariæ vastatoris patria, Moschorum olim & omnium Ruthenorum dominatrix, Nahaiensibus nunc adhaerens, alia Kozanij, alia Kazaczka, item Buchar, Samarchan, & aliæ dicuntur plures. XI. Imperatoribus dispartitæ, vt promiserat Dominus progenitor eorum Ismaëlem Genes. 17. duodecim dices generaturum, & euecturum in magnam gentem. Ex omnium autem nationum Tartaris soli tenuiores, sed regionibus nostris citimini Precopenses, infesti sunt nobis, cum ignavia freti nostra tum vicinitate, locorumque opportunitate receptaculi sui. Habent verò Precopenses receptaculum, suapte natura mu-

12. Orde  
Tartarorū.

A

Taurica  
Chersonesus.

nitum. Eacu enim duo palustres, quorum alter Meotis dicitur ex mari in continentem ad circiter triginta milliaria, in longum porrecti, & seorsum tantundem penè in initiis & progressu suo distantes: finibus verò ad inuicem reflexi, & angusto quodam interstitio sicco cohibiti quin congrederentur, desinentes: iunguntur ibi fossa & vallo altius exaggerato, complectente portam, quæ vnica est ingrediendi prouinciam illam per aridum. Vnde & Castellum ad portam illam situm, & tota sinu illo inclusa peninsula, appellatur à nobis Prekop, cui Tauricæ aliàs nomen fuisse fertur: Incolatus verò & imperium Græcorum Trapezuntinorum, ut hucusque rerinent Græci suam & ibi linguam Græcam & religionem. Adiacet autem peninsula ea ipsa mari Pontico, quod illa ex parte pontus Euxinus dicitur, & quamuis munita sit situ, non adeò tamen illis suis, nec lacubus amplis, nec fossa nec vallo arduis, neque Castello firmo, vt arcere tur à transitu exercitus paulò instructior. Et peruenitur ad portam Tauricæ unicam illam ab arcibus vltimis Lituaniæ Czernkasi & Braczlavv, diebus sex, graminosis semper & planissimis ubique campis, non monte interpolatis vsquam, non sylua non palude, nec amne transmissu difficulti, præter Borysthenem. Sic enim ipsa Taurica citra Alpes & maritima, quæ montosa paßim, habet & syluosa, & quæ nunc ab Aboriginibus Græcis inhabitantur. aliàs verò, tota est campestris, Tartaris illic incolatum præstans, & ubique vistui mortalium commoda & facilis, facilis admodū Cerere, Libero, carne, & sale. Siquidem sal ibi in lacunis, quibusdam aquis in se, ad instar glaciei, à calore solis concretis nascitur, à solsticio æstivali copiosus & pellucidus, nonnullibi ut crystallus. Et frumentum omne, ac vuam vini generat ibi copiose tellus, semel subacta, & fronde occata vrcunq;. Pecora item & iumenta hyeme quoque in pascuis, & sub dio semper fouet læta, quæ etiam fatigis exinanita macilenta & strigosa, postquam abi ciuntur, ibi in campo repin guescunt. herba floccida, calcitratu ex niuibus quæ sita, haud infelicius quam melioribus pabulis & sub recto apud nos. Quoniam & cœlum ibi est aliquanto clementius, & terra vbi cœnola ibi salsa, & herbæ genus sapidius quoddam, semper virēns, & mirum in modum iumenta

Solum Tau-  
rica.

menta vegetans, quod appellatur Tipecz. Vnde tantam olim frequentiam incolarum fuisse ibi memoratur, quod singulæ quædam illic ex vrbibus Græcorum, millena habuerint templa, & clero interim insolenti adeò, quod non nisi equites ingredenterur sanctuaria antistites & Archimandritæ eorum. Atque nunc etiam vrbes ibi nonnullæ quamuis pessundatae, amplitudine tamen ambituum suorum & ruinarum, superbæ olim fuisse apparèt, & præsertim quæ à nobis Solhorh. à Moscis Krym. à Græcis Theodosia appellabatur quondam, & metropolis verusta Korsunij, quæ genti Ruthenorum princeps dedit baptisma & nomen Christianum, postea verò prædam gentibus nostris, excisa ab eis. Vnde Kiovvia nostra in templorum suorum lithostratis, asarotis, & incrustedimentis, retinet hucusque certa prædæ illius insignia, è quibus & Gnesnensi Basilicæ valuam largita est. Et illa ipsa Korsunij tractata sic à nostris, dedisse fertur iactura sua necessitatem Tauricensibus Christianis, luxui & ignauiae deditis, recipiendi in suppetias ad feudalem incolatum, reprimendis gentibus nostris, manum Tartarorum ex Orda Zavolska adscitam. Et sensim deinde inualescens ibi illa Tartarorum vis, ad iustumque populi examen propagata, protulerit sibi in principem Temirkuthla quandam sanguinis sui, appellato eo Cælare. At progenitores S. Mtis Vestre perdomitis Cæsarianis illis, inquis Græcorum Vasallis, dabant eis in Cæsares, subditos suos hinc ex Lituania Tartaros. Ultimus verò ex Lituania Cæsarum Aczkirei, hic apud Troki natus, & hinc à divo Withovdo ad imperium illud missus, genuit imperans ibi in Taurica filium Menglikirei. Menglikirei verò modernum Cæsarem Sapkirei & fratres eius natu & imperio priores, Machmethkirei, Sadetkirei & Chaskirei. Sic enim nobili recepta hinc progenitoris sui nomenclatura, gaudet nunc omnis sequens eum in fascibus illis posteritas. Hæc igitur est Kireorum stirps, dextraforti progenitorum S. Mtis Vestre ibi plantata, quæ nunc referendo gratiam prouectionis suæ, iuge facelsit nobis negotium. Atque vigente sic Taurica & populo & imperio iam aduenarum: urbes tamen eius Mancup, Caffa, Kercze, Kozlevv, & aliæ maritimæ, seruauerant se immunes ab illis, donec Turcica manu, op-

Christiani  
in Taurica.

Tauri in  
Tauricam  
accisi.

Vixit Vri-  
toudus  
1380.

## 4 M I C H A L O N I S

bus Constantinopolitanis exaucta, caperentur ab annis hinc circiter septuaginta. Et illinc missi sub iugum Turcæ, pendunt ei censum, à capitibus suis singuli illic Aboriginalum Græcorum superstites. Qui tametsi & nunc agricolæ, videlicet vinitores & pastores, non inopes sint, imò etiam non sine argentea supellestili plerique, vt pote in tranquillitate & iusticia publica, rationabiliore Ethnicorum administratu viuentes, minus tamen iucundam agunt ibi vitam. Quippe, qui nullo honore digni, imò nullius omnino reputationis habentur à potitoribus rerum Machometicis, ac omni illorum nedum commercio, sed & intuitu non toruo deditantur, angarianturque laboribus, dominicis præsertim, ac etiam Paschalibus diebus, ipsimet argenteæ suppellestilis domini. Nequaquam enim retinet autoritatem ibi Christianus, nec in serum nec in filium paulò proteruorem, qui scilicet Magistratus se præsentandum duxerit semel. Atque etiam ipsi patrifamilias mutandus est status, si defertur præsumpsisse de religione ipsorum quicquam verbo, aut saltē digito uno, & minus etiam serio protenso.

Iam verò quam inconstans sit vicissitudo rerū, vel ipsa sufficit indicio Taurica, videns nunc mutatum sic popularium suorum statum, & patritorum superstites, honore, libertate simul ac patribus orbatis, in servitutem redactos, spretos, capite diminutos, capiteq; censos Machometicis, & antistites illos, insolentes quondam ecclesiarum Dei contemptores, contemptos nunc ipsos, & abiectos, obreptare sub trucibus Tartaris & Turcis. Vibes quoque suas opibus immensis, superbia, læteria, ac omni luxuriæ strepitu perfundatas, dehiscere nunc plerasque inanes, ceteras verò solo æquatas, obsoletis iam & nominibus; & imperitare nūc sibi, non Christianos nobiles, & natiuos suos patronos, sed peregrinam Ethnicam, ac non ita pridem seruitute emersam, atque & imperio simul, & libertate donatam hinc Vasalorum stirpem. Adeò verò increbuere in Taurica Tartari, quod circiter triginta millium exercirum compleant ad bellum, sed coacti, vt solent yniuersi, & gregarij ac imbellies, quicunque saltē valeant concendere equum. Ut me præsente ibi, dum medietatem eorum, & filium suum mitteret Cæsar, in subsidia Turcæ profici-

scenti

*Condicio  
Gracorum  
in Taurica.*

*Numerus  
Tartarorum  
Tauricano-  
rum.*

## F R A G M I N A.

5

scenti nouissimè in Vngariam, quindecim millia eorum tunce numerata sunt. Proficisciabantur autem quamvis lectiores illi, consueto tamen apparatuso, inermes videlicet plerique, & vix decimus aut vigesimus quisq; eorum pharetra fultus aut framæ, lorica vero multo rarior; sed alii scipionibus saltē muniti osseis, alii ligneis, alii vacuis telorum accincti vaginis. Clypeorum autem & hastarum, vel huiusmodi armorum generis, expertes penitus. Sic enim semper illi, nec armis, & nec cibarijs *Bellica exper-  
ditio.* præter nonnihil milij tosti, aut casei comminuti, & neque ullis onerantur impendiò ad bellum impedimentis. Verum tamen nemo illorum, sine pluribus recentibusque loris proficiscitur, & præsertim quando nostras excursitatem est eis in regiones. Quoniam tunc solliciti sunt vinculorum, ad vincendum membra nostra, plus quam armorum ad tutandum sua. Equorum vero semper fulciuntur ad bellum copia, ut magna pars exercitus eorum, quinos singuli ducent equos, eosq; intactos. Vnde excursions & omne iter, crebra hujusmodi equorum mutatione freti velocius perficiunt, & hostem in sequentem se effugiunt facilis, ac etiam terrefactant amplitudine vestigii sui, & non metuunt ipsi in copia eorum fatigam nec famem. Præstant etiam in bello tolerantia, famis, siti, fatigæ, perigilij, æstus, algoris, & omnis inclemètia cælestis omniumq; ærumnarum. Nam expeditiones bellicas perficiunt absq; curribus semper, & absq; omni comœtu, præter illam quam dixi equorum copiam. Solitudines item camporum vastas, inuias, brumali etiam tempore, altitudine niuum & pruinis acerbas, quamvis excoriatis dura niue & glacie equorum cruribus, haud ægrè tamen & haud grauati superant. Amnes amplos rapidos, atque hiberno etiam rigore, *Traiectus  
fluviorum.* Aquilonumq; & glacierum fragorib. horridè stridentes & traie- & tu difficiles, absq; tamē nauigis, sed saltē equorum ipsi iubis adnixi, sarcinis vero ad caudas super tignis, seu arundinum fasci culis alligaris, tranādo incunctanter expeditè & promptè transmittant. Et in prælio pugnant, fortius multo quam Moschowitzæ, quamvis minus armati, & semper primo in congressu, finistrum aduersi exercitus, conantur occupare cornu, quo dexterius ipsi perant sagittis. Sæpe quoque in fugam versi, terga dando, re-

A 3

sistunt, & hostem in sequentem se diffusum sparsim, interceptant ex insidijs, & sic eripiunt non nunquam vieti victoribus victoriā. Quando verò præter technas & strategemata, sed reata & cominus, collatis signis, venit conferenda cum eis manus, præualent tunc in eos pugnatores nostri, etiam si non paulò pauciores fuerint. Id quod crebrius experti sumus, sub victoriosissimis vexillis diui parentis S. Maiestatis V. Nam & post infelicem Christianorum cum Machometicis, patruelis verò S. Maiestatis V. Regis Ludouici ultimam pugnam, mense quinto, calendis Februarijs, Anno Domini supra mille quingentos & viginti septimo in campis planis illis prope Czerkassi ad fluuium Olßanicza, viginti quinque millia illorum Precepensum Tartarorum cæsa sunt ad internectionem à nobis, qui non plures fuimus ibi, quam quingenti & ter mille. Et ante apud Kleczko, desiderata sunt septem & viginti millia eorum, prostrata à novem millibus nostris. Ita quoque alias, & apud Davidis Castellum & apud Stressino, Czeczersko, Lepusso, & in campis etiam vastis illis, in Lebedino, & ad templum album, & ad fluuium Sula, & alijs in prælijs, quotquot æuo presenti fure genti nostræ cum illis, expertum est robustiores esse nostros. Nam & apud Sokal, non robore virium superatus, sed dolo & loci iniquitate circumuetus ab illis, succubuit exercitus noster, perductus insidiosè in aream oppidi recens exusti, crebris præcipitijs cellariorū, id est, antris, cauernis & cryptis subterraneis dehiscentem. Et illinc primùm arrigi cœpit in nos cornu stirpis Kiriorum, perlati sibi in Tauricam exuījs cruentis militis nostri. Atq; deinde apud Oczakovv, tametsi fortis itidem ac etiam victor in illos fuerit miles noster, at imprudens interim, ut qui donauerit vltro victoriā vieto Oslam Solano, mittēs ad eum in Castellum duces suos colloquij gratia, ignarus, dictū esse, circa rem bellicam dolus an virtus quis in hoste requirat? Sic igitur semper robustiores fuere nostri Precepensibus, præter saltem technas, dolos & strategemata illorum. Vita autem Tartarorum, qua gloriantur, est prisca, pastoritia, quam olim in aurea ætate, sancti vixerunt patres, & ex qua Duces etiam eligebantur populi, regesq; & Prophetæ, dicente quodam eorum, tulit me dominus

Tartari crebro à Lituania & Polonia vitti.

1519. mense  
Augusto.

Vita Tarta-  
rorum.

nus cum sequerer gregem eorum. Ita enim agunt hactenus Tartari, sequendo greges, & peragrando cum eis campos hinc inde. Septa nulla habent, nec domos, præter tabernacula gestatoria, ex viminibus & arundinibus compactis, cilicijs velata, storeis, & mattis scirpeis munita, quæ vxoribus & pueris referta, vectant secum in plaustris. Terram non colunt, etiam fertilissimam, contenti spontaneo fructu eius, herba ad pascendum pecus. Vnde iuxta Salomonis consilium, lacte solum absq; pane & sycera viuunt, sobrij & abstemij, cùm lege quoque prohibitum habeant potum vini, acesum suillæ. Et quamvis cæterorum pecorum ac jumentorum, etiam equorum vescantur carnibus, non tamen apud se, nisi penitus mortuis aut penè morticinis, parcendo scilicet viuidis gregum suorum. Nam in gregibus totam suam conditam substantiam. Nihil immobile possidentes priuatim præter puteos, & eos contribulibus quibusque communes. Mobilium etiam curæ, atque oneri non impendiō se applicant, præter, quotidiam & eam tenuem vtenſilium suppelleſtilem & equitatus, bellicæq; rei leuissimum etiā instrumentum, ad quod solum accurati sunt, præter verò id, ad aliud operis profani, aliqui rei nauare operam, virum ingenuum dedecori habent, quo seculius obsequundent præscripto legis suæ, vi & armis propagandæ. Atque in ea feritate nihil habent antiquius temperantia & continentia, viuuntque citra exuperantium ac defectum ultimum omnes. Vnde quemadmodum in sacris litteris dicitur, scio & satiari & esurire & abundare & penuriam pati. Item qui multum, non abundauit: & modicum, qui non minorauit. Ita nunc in barbaris illis, nemo abundans suffocatur ingluwie, nec egens extinguitur fame, neque algore conficitur, nemoq; mendicat in tanta eorum inopia & penuria rerum. Nam vt non frequens apud eos heluo: sic non fame laborans, nec mendicans nec fraudulentus, alieni haustor, nō litigator, nec iudex iniquus, non testis peruersus, non peierator, item non fur nec latro. Vnde minimè opus est apud eos angi quenquam sollicita rerum suarum custodia, nec se armis onerare domi ad priuatam sui defensionem. Nam iter habenti intra regionem eorum ferre telum, enorme & illicitum est. Sancte enim colunt illi apud se pacem.

Oper.

Labor.

## 8 M I C H A L O N I S

& iusticiam, reddendo vnicuique quod suum est, integrum non imminutum in gratiam magistratus, ex decimatu, nec ullo alio nomine. Non quæstui etenim, sed pietati, impij ethnici illi habent iudicandi officium. Quod etiam est eis non laicum, sed religiosum, & per religiosos id exequuntur Cadios, qui eò religiosis initiantur, peculiariter secundum Iusurandum, iam alioqui lecti tales, qui minimè inhinent rebus profanis, de quibus alios iudicaturi sint. Et quo expeditius vigeat iusticia, nequaquam iudicium ibi protelatur subterfugijs cauillatorum, nec obtenditur calumnijs vitilitigatorum. Siquidem reus diffugium captas, dum per attactum oræ vestimenti sui, vocatus ab auctore in iudicium non paruerit illico, extunc velut compertus iam in reatu vapulat. Verberatur enim fuste, certo & ex lege domini præscripto plagarum modo. Actori item & testi locus in iudicio non est, qui in necessaria salutis non satis perfectè ex lege calleat, aut qui gustasse aliquando vinum seu alio notatus vicio deprehenditur.

*Magistratus reuerentia.* Parent quoque foro eidem, hoc est, Cadij iudicio, & proceres aduces cum popularib. pariter & absq; discrimine, ac prætorsum principem, cuius Maiestati plus etiam quam humanæ deferunt, ipsi in vniuersum, atque ad vnum omnes uno eodemque iure viuunt. Item & habitu conformi & vistu compari, reddunt se pariles, nefas videlicet & piaculum habentes, fuste etiam expiandum, præsumi à quoque gentis suæ, vt vestitu præcinctu, aut pileo seu cæsarie vtatur, non suo patro ac verusto ritu: utve cibarium privatim à se promptum, non commune habeat vni-cuique præsentium, aut sumat illud esui parte ex aliqua patronus ipse prius, quæ expositum in medium, frustulatim fuerit concisum, & commistum diligentius, vt eadem scilicet cederet qualitate cuilibet præsentium. Et in itinere nedum viaticum commune habent, sed etiam inseruant maiori natu aut imbecilliori cuilibet, alacrius vnuus præ alio. Domi hospiti cuilibet obiterario etiam, & ignoto exponunt gratuito, & cibum & nudum, sed eminus à serie statuarum suatum. Quoniam alias non adeò iam sunt ciuiles, quippe qui foeminas suas ab hospite, amico etiam & conuiua quantumcunque gratiose, conspici nequaquam licitum

*Hospitalitas.*

## 9 F R A G M I N A.

Ilicitum habent, tenentq; miseras, caveis suis abditiорibus reclu-sas, & nedum conuiiorum sed Synagogarum quoq; & omnis consuetudinis forensis penitus expertes, laborib. etiam omnib. sartorijs & futorijs rejectis in eas, sed neutiquam tamen inuitas. At ipsi interim non sunt contenti coniugijs earum, singuli sin-gulis, more hominum prisco, in hoc se iactantes, itidem & lege sua suadente vxores vnicuiq; quaternas, & in singulas earum pel-lices denas. Et quo perfectiores præstent se viros, non diuitias querunt sponsarum, nec species earum corporales, copulanturq; eis, minimè à se antea in facie viliis, sed animis dūtaxat moribus que earum exploratis, & non dedignantur in coniugia ancillas quoq; suas capriuas, ac emptitias. Vnde habet eas in matrimonij constantes, morigeras, inuicem cōcordes, & pellicib. suis in gratiam maritalem æquanimes, item pudicas, vt inauditum sit pe-nitus in eis adulterij crimen, capitale alioqui, & nece expian-dum illico. Et præterea, cùm intelligent barbari illi, nihil salubrius esse gentibus virtute & disciplina militari, in arduita-teque consistere virtutem: Ideo molliciem & voluptates auer-sando asperitati viræ, nec non equitatui ob rem bellicam stu-det ex infantia, & iam inde ab incunabulis gestantur inequitan-do, nec desuescunt equitare vel decrepiti. Vehiculi vero vsum vetuli quoque vel valetudinarij detestantur molliciem deu-tando & parcendo equis. Parci enim sunt equorum, adeò quod Baro etiam eorum, equitet intra patriam solus, qui foris centenis concomitatur equiibus suis peculiaribus. Et mulier apud illos etiam primaria, & vel Cæsaris necessaria regiam accessura, non verecundatur caueæ suæ obturatæ reclusa, auro vel gemmis intro nitens, boue vehi vno, aut propter plaustrum grossi ciem duobus. Equum autem vel deterrium iungi in vehiculo, nefas est & religio cuilibet eorum, milenos etiam in equitijs suis habenti equos. Est autem vita hominum illorum tetrica, sic & austera vulgo eorum communis, at non Principib. Quoniam Principes *Vita Principium.* Scytharum in publica populorum suorum frugalitate ipsi lau-tius interim viuunt. Ut Precoperis modernus Cæsar, negotio bellico in filios nūc rejecto, ipse propensius voluntatibus inten-dit, in topiarijs mulierum suarum, intra viridarium quoddam,

B

*Famine bus vehun-tur.*

amoenitate loci, nec non ædificatu, cultu, herbarumque ac arborum varietate, & quincunciali earum situ elegans. Quo quidem in Paradiso suo, hospites etiam exceptat ille, conuijjs opipatis, licet ipse quidem velut fastidio & contemptu diuitiarum ligneis & hætilibus vescens ex vasculis, attamen auratis innitens puluinarijs, & cubitis & pedibus ad argenteamq; discumbens mensam, aureis & gemmatis onerataam phialis & varijs lasciuijens dapibus, nec nō melodijs fidium, cymbalorum, Crotałorum, Psalmorum, alijsq; nugis ostentans delicias suas, liberijsq; licere sibi ea præsumens in publica populi continentia.

*Populi.*

Agunt verò populi Tartarici continenter auscultantes Sacrae Scripturæ dicenti; Vinum non bibetis, domum non ædificabitis, sementem non seretis, vineas non plantabitis. Sed in tabernaculis habitabitis, vt viuatis diebus multis super faciem terræ. Sic ergo viuunt illi super faciem terræ diebus multis liberi, immunes, & ab ultimo sui excidio tuti semper. Dum delicijs contemptis, nihil fixum expugnationique obnoxium possidentes, tota ipsorum quoquaque migrant comitetur eos substantia. Quam ideo fugitiuarij ipsi conditare sibi vniuersam in mobilibus, in mouentibus fesse pecoribus ac etiam seruis.

Mercimonia mancipiorum.

Quanquam verò habeat Precopenses pecora se penes, copiosè pullulantia, seruos autem aliunde captiuos, eo tamē altero facultatum suarū genere plus fortunati sunt. Non habent enim pecora tot, quorū mancipia, nam hæc externis quoq; largiuntur prouincij. Siquidem aduentant eis naues crebrae ex vltiori Ponto, & Afia, portates arma, vestes, equos, & soluuntur ab eis oneratae semper mancipijs. Quoniam omnia illorum emporia ac telenæ, celebria sunt solo eo mercium genere, quod etiam ad manus est eis semper, & mercatui, & pignori & dono, ac vnuquisque eorum equi saltē ascensor, etiam cum nullum aetu habeat mancipium, potentia tamen, certò semper copiam peculij eius habere se præsumens, promittit in contractibus creditori cuilibet numeraturum se ad certum diem pro vestibus, armis, & equis viuacioribus, viuaces etiam, verū non equos, sed homines, eosq; sanguinis nostri. Et statur huiusmodi promissijs

missis eorum securè, perinde ac si in viuarijs, & cortibus suis reclusos semper habeant illi homines nostros. Vnde Iudæus quidam ibi in Taurica ad portam eius, vnicam illam, teloneo præsidens & innumeram semper hominum nostrorum captiuorum multitudinem importari illuc cernens, quærebat ex nobis vtrum adhuc homines in regionibus nostris supersint, nec ne, & vnde hic tantæ mortalium copiæ. Est autem id ipsum facultatum genus latrunculis illis in promptu semper, nemdum in commercium quolibet ad exterros, sed domi etiam, & saeuitiæ eorum perferendæ & ludicris.

*Captiuorum conditio.*

Crebri enim ibi ex miseris ipsis viri robustiores, si non cafrantur, auribus tamen & naribus mutilantur, genis & frontibus cauteriantur, pedicisque & neruis compediti angariantur, interdu laboribus, noctu carceribus, prætenuique fouentur cibo morticinæ, eiusque putridæ, vermis scaturientis, canibus etiam abhorrendæ carnis.

Feminae verò teneriores in lasciuijis habentur, & quedā con-  
tinueantur etiam adhibitantur hilarandis, psalti, fidicinatu, gesticulatuq; artificiōe edoctæ. Quæ liberali forma ex nobiliore gētis nostræ sanguine raptæ, adductæ tantur Thalasio & paradisicola illi.

Irē & alia spectanda aguntur ibi cum eo hominū genere. Quando videlicet venum producuntur, miserabiles ipsis, in frequen-  
tius ducuntur forum, seriatim, velut grues in auolatu digesti & decimatim collis concatenati, venundanturque decadibus integris sub manu & voce licitatoris, qui auctionando, enunciāt vociferans, noua esse mancipia ipsa, rudia, non callida, recens capta, ex populo regio, non Moscouitico. Nam Moschoruim genus, ut dolosum & fallax, ita vile habetur illic in mancipijs. Taxatur autem sagacijs hoc mercimonij genus in Taurica, careque emitur per mercatores externos, venundandum ab eis pluris, vltioribus, atrioribusq; Sarracenis, Persis, Indis, Arabibus, Syris, & Assyrijs. Quilibet namque illorum, auiide appetunt captiuas hinc in coniugia, citra tamen vim tunc & iniuriam, sed iuxta normam prescriptam desuper à Domino Deuter. 21. Quoniam & imperatori Turcarum mo-  
*Solymani*  
*vxor mater*  
*Amuratis 2.*

imperaturi genitrix rapta est ex prouincia nostra. Atque Pre-  
copensis Sapkirei, procreatus ex Christiana, & in coniugio ha-  
bet nunc Christianam. Et omnes tyrannorum illorum mini-  
stri, spadones, scribæ, cæterique artifices, & milites præcipuū  
Ianiczati, qui jam inde à pueritia arte & disciplina militari  
instruuntur, & ex quibus tandem Duces leguntur & Baro-  
nes, de nostro Christiano sanguine hunt. Et proinde quan-  
do emuntur ibi mancipia, inspectantur tunc eorum, ne dum  
promptiora membra, atque dentes, ne rari sint neu decolo-  
res, verū abditiores etiam perscrutantur corporis partes.  
Et ubi quis deprehenditur næsus, tuber, cicatrix vel aliud  
latens vitium seu defectus, sequitur tum redhibitio. Atque  
in tanto etiam in dagatu clementium, adstruunt nihilominus  
eis imposturam, fistendo illecebras vafri proxenetae &  
mangones. Quos enim habitiores in gregibus captiuorum  
nanciscuntur, pulsiones, & puellas, non eos vulgo producunt,  
sed lautius ad inducendam saginam curatos, redimitos ser-  
ico, fucatos pigmentis, purpurisso fibioque, ad alliciendum  
quo pluris emantur. Nam interdum ibi pensitantur auro &  
ponderibus suis, emuntur formosiores, & illibatae sanguini-  
nis nostri puellæ. Atque illico etiam ubi emuntur, reuen-  
ditantur identidem mancipia formosa, accuratius mangoni-  
zata aucto precio aut usura momenti vlli luci facta. Aguntur  
hæc & in cæteris peninsulae illius urbibus, in Cassa vero præ-  
cipue. Contigitque ibi quod globi miserorum illorum coem-  
ptorum aguntur ex mercatu ad naues rectæ. Est enim contin-  
gens portum freti oportuniorem, situ suo insatiabilis illa & ne-  
fanda, nō vrbs sed vorago sanguinis nostri. Vbi igitur migratores  
illi ad consensem nauium in littore consistentes viderent do-  
lori esse, vicem suam nobis inspectantibus: Vnus tūc eorum no-  
tus & conterraneus mihi velut interpellatus, contractiore vultu  
nostro, respondens pro comitiua & me intuens, Non est iam in-  
quit frater dilecte, quod doleatis extoribus nobis peregrinanti-  
bus ita: quamuis enim acerbū hoc & triste carpamus iter, relusto  
dulci patrio solo, migrantēs eō, vnde nunquam reddituri sumus:  
& quam-

*Captivi ad  
Lituanos o-  
ratio.*

& quamuis quanto longius à finibus patriæ abducimur, tanto  
maiori in dies natui foli flagremus desiderio: æquiori tamen  
iam sors ea ineuitata ferenda est nobis animo. quandoquidem  
non soli & non pauci simul gregales comitesque sumus, & cum  
haud optatiore statu, cæteros remanere hic in Taurica videamus,  
consortes nostros, stigmaticos istos, notis compunctos, oris et  
iam deformatos specie; atque domi non letiorem itidem experti  
sumus vsu venisse exitum, necessariis nostris, quos vidimus illic,  
obtrucidari, detruncari, auulaque eorum à corporibus membra  
& capita, iactari, corda quoq; in ignem spargi trementia, & pul-  
mones execotos, dum exenteratis aluis illorum, tepidisque ex  
intestinis, raptaret hostis triculetus extra haruspicijs, felles & bi-  
les vnguentis. Quanquam autem & nobis præstissem multo,  
si illa ac etiam alia quantumcunque crudeliora, vna & semel per-  
pessi occubuissemus apud lares manesque pater nos, à cultu reli-  
gionis & à sepulchris maiorum non abstracti, corporibusq; no-  
stris felicioribus multo quā nunc, etiamsi truncā iam & euisce-  
rata discerpta fuissent & deuorata illic à bestijs: sed quia inuidet  
nobis illud, prolixioribus his reseruans nos ludibrijs fatum in-  
solens, cui parendum est, & iniussu eius non secedendum, iam  
minime in rem nostram & anxietas hæc, & commiseratio vestra,  
quin potius nobis met ipsiſ cœendum est, ne idem quoque vos  
maneat exitus, ne scilicet a portatrices has concendatis etiam  
aliquando naues, & ne tota denique gens nostra, dispereuntibus  
ita crebrius indies alumnis suis intercidat. Id quod sum opere  
sanè metuendum est, si eidem quibus nunc estis, perseveraueri-  
tis diutius esse moribus vestris perniciosissimis, trahentibus vos  
iugiter in exitum. Si itaque est tibi quicquam aut charitatis in  
patriam, aut fidei in Principem, aut saltem in Deum religionis:  
tuum quoque debet esse, eam periculi imminentiam, vt nunc  
perspectis hic hominum conditionibus deprehendisti, deregere  
Principi, & quorum deniq; interest, quod vt sedulò facias, si non  
aliud, at religionis saltem ipsius Dei moveat te amor, per quem  
adiurando te miseri nos affectum patriæ & libertatis nunc tan-  
dem expertes obtestamur vt saltem hoc vltimum à nobis pignus  
amoris desiderata haberet patria. Hæc ille perloquens, & graue-

*Haruspicia.*

suspirans, tractus est in nauem, conscente decade sua, catena-  
ta solida, & subducta in altum classe disparuit, relicto sic nobis  
elogio.

*Finis Fragminis primi.*

Quidam ad Lectorem.

*In sequentibus hunc tomis, nihil aliud Michalo, quam de cor-  
ruptis gentis sua moribus, quibus nullus sit perniciiosior, primoq;  
repellendus hostis, queritur, quos emendatos esse & optat &  
regirationes emendandi ostendit. Verum nos omisis eiusmodi  
querelis, que de nulla non alia etiam gente esse possint, ea sal-  
tem que ad magistram vitam historiam pertinent, cognoscamus.*



E P I T O M E   F R A G M I N I S  
secundi.

**M**oscī & Tartari, longè sunt Lituanis inferiores  
viribus: sed superiores industria, frugalitate, tempe-  
rantia, fortitudine, cæterisque virtutibus, quibus  
regna firma consistunt. afferunt Tartaris hæ virtu-  
tes ista commoda ut gaudeant copia peculij nostri  
abacti, & statu temporum sic exigente, placentur annuis mune-  
ribus à S. Maiestate vestra, amici scilicet foederati, cum quibus  
antea quoque semper fuerunt Lituanis foedera. Idem in equitatu  
sunt assidui, absque curribus bella gerunt, equis peregrinis abun-  
dant, viribus quas tutentur carent. Mosci quolibet vere ex Orda  
Tartarica Nohaiensi, permutatione vestium, & rerum aliarum  
vilium, multa millia equorum bello aptissimorum accipiunt.  
Turcae Thraces immittunt nobis magno pretio equos partus  
vltimi, senes, laboribus exhaustos, morbis occultis obnoxios:  
valen-

valentes verò, aut ipsa arma vendere Christianis, religio ipsis est  
ac scelus. at maiores nostri contenti erant domi suæ natis can-  
therijs: parati semper ad bellum cum lanceis, clypeis, loricis &  
refertis farre culeis. Heroidæ Lituanicæ vel templum vel con-  
cubium accessuræ, senis vel octenis eiusdem coloris pilentis, id  
est, rhedis pensilibus vehuntur: totidemque homines loris vin-  
ctos Scytha trahens, euadit impunè. at Tartari equorum ditissi-  
mi, ne Principis quidem suæ vehiculo iungi patiuntur equū. Tur-  
cæ aliiq; Saraceni accessuri die quolibet quinques in fanum ad  
orandum, excalcent se lauantq; frida, etiam pudenda mem-  
bra. iidem atque Tartari, Moscouitæ, Liuones, Pruteni, consul-  
entes parsimoniae iugiter retinent viiusmodi vestitus, quos nos  
& pretiosos & varios habemus.

Tartari tunicas habent absque plicis & rugis longas, equitan-  
ti dimicantique commodas, leues & pileos albos acutos non ad  
fastum paratos, quorum eminentia atque nitor in agminibus,  
licet minimè galeati esse soleant, apparent illustriores, & hosti-  
bus formidandi. quas technas Mosci quoque imitantur. hi verò  
ex ouili lana fiunt, & sæpè abluti diu durant, uno emti groso.

Etsi Mosci soli, Sobolis aliarumq; ferarum genere abundant:  
tamen vulgo Sobolos pretiosos non ferunt. Sed missos in Li-  
tuaniam, molles mollibus, aurum pro eis auferunt: gestantque in  
laciñis galorum suorum cilicinorum laminas aureas, &  
gemmas pretiosas. quibus nechumor, nec  
sol, nectinea, vt Sobolis,  
nocet.

*Finis Fragminis secundi.*



E P I T O M E F R A G M I N I S  
libri tertij.

**A**ROMATIS adeò abstinet, ut & in epulis paschalibus contenti sint his condimentis, sale lutulento, synapi, allio, cæpis, suæque telluris fructibus, non solum vulgus, verùm etiam optimates, & summus dux illorum, arcum nostrarum erector, quas iam 73. enumerat iactanter.

In mensa Principis conuiuali, inter aurea vasa & vernaculae dapes, non nihil quideni piperis, non tamen cocti in trullis seorsum apponitur, sed à nemine attingitur. at Lituani opiparis & exoticis vescuntur cibis, vinum varij generis bibunt. unde morbi varij. cæterum Mosci, Tartari & Turcæ, licet regionum viniferarum possessores, tamen vinum non bibut, sed Christianis venditum, neruos belli pro eo comparant. persuasi se Deo præstare obsequium, si quis modo extinguat sanguinem Christianum.

Tartari, Precopenses itidem aromata auersantur, viuuntque potu lactis & aquæ putealis, quæ in ambitu Tauricæ campestri, raro inueniuntur non amara, clara autem rarius, nisi in visceribus terræ, profundissimè quæsita. Progenitores nostri cibos potusq; peregrinos vitabant. Sobrij & frugales, omnem suam gloriam in re militari, voluptatem in armis, equis, famulis numerosis, & qualibus Mars gaudet, duris strenuisque ponebant. & cùm exteras gentes arcerent, sua à mari uno ad alterum prolatarent, vocabantur ab hostibus Chorobra Litvva, i. ferox Lituania. Nullum est in oppidis Lituanicis opificium adeò frequens, vt coquendæ ex filigine cerevisia, & aquæ ardantis. Sequuntur hæ potiones in bellum eentes, & ad sacrificia Missalia confluentes, quibus homines domi assueri, simulatque insolitum sibi aquæ potum in militia attingunt, torminibus & dysenteria pereunt. Rustici omissa agricolatione, in cauponas conueniunt. Vbi dies

& no-

Aqua ama-  
ra.

## F R A G M I N A.

17

& noctes pergrecentur, vris etiam arte ci curatis, vt potantes sua delectent ad cantum vtricularij saltatione. Vnde fit vt facultatibus consumtis, fames sequatur homines, ad furta & latrocinia convertantur, adeò vt in vnaquaque Lituanica regione, intra vnum mensem, plures propter hæc facinora capite plectantur, quām centum & ducentis annis per omnes Tartarorum & Moscorum ebrietatem vetantium prouincias. Certè apud Tartaros, *Pœna vini*- qui modò vinum gustauerit, is & octoginta fustuarijs *ictibus potorum*. percutitur, & totidem nummis multatur. In Moscouia verò nusquam est taberna potatoria. quod si apud aliquem patrem familiâs vel gutta sycerae deprehendatur: huius tota domus diruitur, fortunæ confiscantur, familia atque vicini eiusdem vicus vapulant: ipsemverò in perpetuum carcerem detruditur. In viciniam idè lœvitur, quod sit eo infecta contagio, & nefandi conscientiæ criminis. Nostros verò, non quidem magistratus, sed ipsa intemperies perdit potatores, aut mutua arma inter potandum enata. dies ab aquæ ardantis potu inchoatur. vinū vinū adhuc in letis clamitantes. bibitur deinde idem virus à viris, foeminis, iuuenibus in plateis, foris, secus vias, quo infecti nihil post agere possunt, quām dormire, ac qui huic malo semel assuefit, in eo crescit potandi continenter cupiditas. Nec Judæi nec Saraceni quenquam è suo populo patiuntur perire egestate, tanta inter illos charitas viger: nec quisquam Saracenus cibarii sui edere vilum frustum audet, nisi id prius comminutum & commixtum fuerit, vt vnicuique præsentium cibus cedat eadem quantitate.

Abstinentibus autem ebrietate Moscis, oppida illorum celebria sunt varijs & assiduis artificibus, qui mittendo nobis crateres ligneos, & baculos ad fulciendum gradum infirmis, senibus ebriis, ephippia, framæas, phaleras & diuersa arma, auro nos spoliant.

Antea Moscouitæ in eiusmodi seruitute Tartarorum Zauol- *Seruitus* hensium fuerunt, vt dux illorum inter cæteraseruitia vnicuique *Moscorum*. Cæsalis legato, & census exactori quotannis in Moscouiam venienti, prodiret obuiam extra oppidum. & tenens manus sua, qui eius habenas, pedes equitem ad regiam deducebat. Sedenteque legato in solio Ducali, ipse genibus flexis legationem au-

*Bibacitæ  
Lituanorū.*

C

diebat. Ideo & hodie Zauolhenses & ab his orti Precopenses dum Moscorum appellant suum cholop, i. rusticum. Sed præter causam. Nam se suosque ab hac tyrannide Iohannes annus huius Iohannis Basili, qui hodie rerum gubernacula tenet, redacto populo ad sobrietatem cauponis que vbique interdictis vindicavit. quin subiectis sibi Rezani, Tvver, Sufdal, Volodovv alijsq; finitimi Comitatibus ditionem suam protulit. idem etiam, Casimiro rege Poloniæ & Duce Lituaniæ in Prussia contra Cruciferos pro regni finibus pugnante, populoque nostro in luxum prolapso, ademit suoque adiunxit patrimonio Lituanicæ provincias Nouohrod, Pskovv, Sievvier, & alia, heroum sanctorum catalogo à suis adscriptus, liberator & auctor patriæ. nam & metropolim suam, arce lateritia, & regiam lapidibus arte Phidiaca sculptis, inauratis quibusdam eius facellorum cacuminibus decorauit. Sic & genitus ab eo Basilius eadem vſus sobrietate atque disciplina morum, anni millesimi quingentesimi decimiquarti vltima Iulii ademtam nobis perfidia Michaelis Hlinscij arcem & prouinciam Smolensco, addidit suo patrimonio. Vnde Moscviam metropolim suam auxit, condito in ea vico Nalevki, opera mercenariorum nostrorum militum indito ei in opprobrium gentis nostræ ebriosæ cognomine. Naley enim infunde significat. Similiter huius natus qui nunc regnat, et si arcem vnam ad nos amisit: tamen interea intra regionis nostræ fines tres arces condidit, Sebesz, Velisz, Zavvlocz. nulla re cedit Tartaris, quorum olim seruus fuit, ita suos habet sobrios: tuereturque libertatem non panno molli, nec auro splendido, sed ferro: tenetq; gentes suas in armis, munit arces perpetuis præsidij, pacem precariam non curat, vim vi repellit, continentiam Tartaricam continentia populi sui, sobrietatem sobrietate æquat, artem arte Vitoudum heroem nostrum imitatus elidit.

EPI-

*Moscus Lituaniæ multa adimit.*

## EPITOME FRAGMINIS

## Quarti.

**V**STICIA quoque præstant nobis Tartari, nam reddunt vnicuique statim quod ipsius est. apud *Ratio iudiciorum Lituanicorū.* nos verò capit Iudex decimam partem rei iudicatæ, ab actore innocentia, quæ iudicio merces appellatur Peressud. quæ illico in tribunali soluenda est. Cum autem de minima fundi agitur particula, non decima datur, sed licet non fuerit tanti pretij res iudicata, centum grossi; quorum vnuus duos cruciatos nummos Germanicos valeret, cum dimidia cruciati parte. maioris verò decimam capit semper, summæ bonorum totius, quantacunque deducta fuerit in item.

Ex iniuriarum autem personalium & violentiarum vt cunque insimularum causis, capit à reo ratione multæ, tantum quantum adiudicat actori. adiudicat autem propter tanta sua lucra actori, aperte etiam calumnianti fauens, pro offensione eius qualicunque, mari sexagenas grossorum vicinas, foeminæ quadragesinas, pro damnis verò realibus quicquid calumniator peierans asseruerit, centenas & millenas, etiam si ne vnam quidem sexagenam valere appareat tota eius substantia. Et pro homicidio, non iuxta legem diuinam ut sanguis sanguine vindicetur, sententia fertur, sed pecuniaria fit, cum decimis magistratus. Quocirca frequentia hic committuntur parricidia. Et licet actor ingenius in causis iniuriarum victoria potitus, placetur à reo mollibus verbis: at non iudex. is enim semper pecunias haurit, ab hoc multicias, ab illo decimarias.

C 2

Capit & decimas à pragmaticis sanctionibus & transactionibus. In criminalibus verò causis, non decimam sed totum capit, quicquid furtuum aut latroni ademtum deprehenditur penes aliquem, qui eius prouentus appellatur Litze. Quando autem res ipsa furtiva penes furem seu eum torem eius, portanda est ad alium iudicem: valorem eius integrum capit prior iudex. ita ut necessum sit apud nos repetenti rem suam surreptam, impendere in magistratus plusquam res ipsa valeat: quapropter multi id cernentes sua iumenta furtim abacta, aut vi erupta, non audent litem propter ea intentare. Fur etiam in recenti criminis captus, non à magistratu loci illius in quo deliquerit aut captus est iudicatur, sed per multa viarum discrimina, ducitur iudicandus, ad suum dominum, interdum ad talem in cuius domum furtum inferebat, quam obrem securè furtam committuntur. At apud vicinos nostros Tartaros & Moscos, iurisdictio in omnes baronum & nobilium subditos, tam in ciuilibus quam criminalibus causis, non priuato cuiquam, sed publico ordinarioque competit magistratu, eidemque sobrio, & simul cum aliis habitanti, nostri autem & singuli seorsim, & bibentes id agunt, remotis arbitris & testibus, vbi quiduis patrare licet. Capit etiam praes apud nos præter scelus, 12. grossos à iumento, quod quis rapit, & appellans erraticum, trahit illud ad stabulum euriæ. Sic & ab homine etiam immitò in carcerem detruso, totidem exigit grossos. prætendens ea stipendia iure sibi, & carceris & stabuli ratione deberi. Famulus quoque iudicis executor sententiæ, capit decimam rei iudicatae partem. quin etiam citra iudicarium stipeatum, accipit decimam debiti crediri, seu depositi, quantumcunque liquidi, etiamsi minimè eat inficias. Et Notarius decimam pene pro litteris diffinitiuis, ac pro qualibet opera sua exigit aliquid: pro solo citationis sigillo ad causam unius grossi, quatuor. & quò carius omnia vendantur, neceſſe est citationem geminam, eamque sigillatam & manu protonotarii subscriptam esse, quod interdum antequam sit, notario in aliis occupato, elabitur non citatus reus, vt eorum natura est fugere. Capit item alijs iudicis apparitor Wisz.

diem

diem reo dicturus, in causa vel minima, siquidem Palatini fuerit, grossos quinquaginta, si vicarii eius, 30. si regius, vel se eum simular, centum. Capit tantundem alter, id est, 100. vel 50. vel minimum 30. isque Deczki dicitur, qui reum accersit & ad causam cum citatione ducit. item satelles tantundem rapit, qui à contestata lite, ad testes sistendum examinandum, aut ad agrum pratum, ab aliena pecude proculatum aut depastum, seu ad aliud minus damnum videndum delegatur. Si pauper tantam pecuniam non habuerit, iumentis spoliatur. Iniquum & hoc, quod pauper aliquem è magnatibus citaturus, non inuenit tum vel maximo præmio apparitorem. Nec hoc minus iniquum, quod vicinus meus potentior eiusdem mecum pagi hæres, alterius sit fori: nec tam facilè ut ego, citatur. Et quod appellationis remedium sublatum sit nobis, enormi poena apposita, ut est in stat. Lit. dist. 6. art. 1. Prohibita etiam contra potentes Vadia, quæ tenuibus sunt arma & quasi scuta ad protegendum. Adhoc quicunque in testimonium nominantur, quibuscunque in causis, præterquam in limitaribus, iniurati fidem plenè faciunt, solo quæstu falso testificandi viuentes. Librum publicum ad referendas in eum venditiones & alia præter priuatas schedas, non habemus. Reus, etiamsi manifestus fuerit rerum alienarum raptor atq; violator, non tamen ante ad iudicium accersitur, quam post menstruum à citatione spatium. Adhæc dum iumentum quod 50. vel 100. grossis valeat, mihi eripitur, summa agriculturae opportunitate, ego raptorem citare in iudicium nequeo, donec prius citaturo eum satelliti soluero id integrum quod raptum valet, cum deinceps non solum solutio expensarum me non sequatur sed nec reum de re ablata in iudicium trahere, nisi post menstrua quædam interualla liseat. Itaq; iniuria affectus aut totum raptori permittit, aut vi vel fraude par refert.

Tempore promulgationis legum Lituaniarum bos valebat 50. grossis, vacca triginta. quæ pretia nunc magis creuerunt. At in alijs regis Poloniæ ditionibus, nec tantæ induciæ patent reo, nec sumptus tanti ad citandum requiruntur. Sed apparitor conductitur ad citandum reum dimidio grossi. & diploma regium, quo quis citatur, absque chirographis protonotariorum valet.

*Forum Polonicum.*

nec adeò magno venit pretio , imò gratis dari iubetur edicto regis Sigismundi in Stat. Polonicis Piotrcouensibus anno Domini 1511. & iudex à re iudicata etiam maxima non decima parte illius , sed duobus vel ad summum quatuor contentus fit grossis nostris minoribus , qui valent 8. cruciatos Germanicos. apud nos decimorum rei iudicatæ ter geminarum causa, Index suæ causæ fit iudex : & velut hamo escam habente captus , trahitur semper ad condemnandum , obscuris etiam partium iuribus. Etiam Ethnicorum leges prohibent mercedem iustitiæ. quæ ad nos immigravit ante pauca lustra , ex ambigua consuetudine , opera procerum primorum , leges vñibus suis accommodantium , quibus vigentibus nemini licet possidere quidquam quod non obnoxium sit magistratui. verbi gratia : Cūm aliquis aut mihi infensus , aur iudici fauens , commodumq; procurans , pecuniam meam rapit , seu mutuum depositumue creditum retinet , aut fundum occupat meum: ego nihil horum recuperare possum ab eo , donec prius dedero iudici & familiaribus eius decimas , & alios prouentus amplos , in quos totam pecuniam meam breui abire necessum est , si iterum semel vel bis idipsum negotii probus ille iudicis amicus mihi palam facessauerit. vbi verò furto , aut vi palliata , iudicis emissarius aurum , argentum aliaue mea surripit , hæc deprehensa transeunt ad præsidem. Ecce iustitiam Serenissime Princeps in patrimonio tuo , reddentem vnicuiq; quod suum est , en iura sancta.

*Iudices tandem dno.*

Tametsi verò duo ex optimatum numero Palatini in omni Lituania fungantur iudicium munere , locis non admodum disiuncti inter se , verùm hi qui sufficere possunt , vt tam numerosi populi & tantarum prouinciarum lites diiudicent? præsertim cùm iisdem curæ sit respub. vt vocentur voiuodæ , id est , bellum produces. quo fit vt occupati multitudine & publicorum & priuatorum negotiorum , diebus festis , nempe cùm sunt liberiores à negotijs , de litibus cognoscant. Sed id etiam mali accidit , quod non habeant certis locis tribunalia. Sæpe sunt 50. amplius millaria quærendi iustitiæ consequendæ causa , ab afferto iniuria. eunt miseri homines à finibus Samagitiæ & Liuoniae , vñque ad terminos Masouiae & Moscouiae , persequentes iudicem

iudicem ordinarium. Adhoc habemus quotannis 40. dies recolendæ dominicæ passioni , ieiunio , orationique dicatos. quos litibus attentius prosequendis transigimus. Habent ij Voiuodæ suos vicarios , qui itidem curato bene corpore , pro tribunali sedere inter conuiuorum strepitus solent parum gnari iurisprudentiæ , sed in suo Pereſtud emulgendo accurati. at Moscouitæ gloriantur se à nobis leges sun; pñſſe Vitovvdiñas , quas nos iam contemsimus , à Tartaris verò arma , vestes , & rationem bellandi absque curribus , exoticis cibariis & potionibus.



## E P I T O M E F R A G M I N I S

*Quinti.*

**M**OSCOVITÆ irati imprecatur alicui suorum , vt fiat Romanæ siue Polonicae religionis , adeò eam exosam habent. Gymnasijs literariis , dolendum , caremus. literas Moscouiticæ nihil antiquitatis cõpletentes , nullam ad virtutem efficaciam habentes ediscimus , cùm idioma Ruthenum alienum sit à nobis Lituaniis , *Lituani ab Italis orti.*

Quod ita esse liquet ex sermone nostro semilatino , & ex titulis Romanorum vetustis , qui non ita pridem desiere apud nos , videlicet excrematis humanis cadaveribus , auguriis , auspicijs , alijsque superstitionibus , adhuc in quibusdam locis durantibus maximè cultu Æsculapij , qui sub eadem , qua olim Romanum ab Epidauro commigrauerat , serpentis specie colitur , & in veneratione habetur. coluntur & facti penates , mares , lares , lemures , montes , specus , laetus , luci. Sed nec admodum diu sacer ille perpetuusq; , qui cremandis victimis Romanorum Hebreorum q; more fovebatur , extinctus est per baptismatis vndam vgnis , id est , ignis. Etenim & ignis , & vnda , aer , sol , mensis , dies , noctis , ros , aurora , deus , vir , deuir , i.e. leuir , nepotis , neptis , tu , tuus , *Verba Lituana.*

meus, suus, leuis, tenuis, viuus, iuuenis, vetustus, senis, oculus, auris, nasus, dentes, gentes, sta, sede, verte, inuerte, peruertere, aratum, occatum, satum, lemen, lens, linum, canapum, auena, pecus, ouis, anguis, ansa, corbis, axis, rota, iugum, pondus, culeus, callis, cur, nunc, tractus, intractus, pertractus, extractus, meritus, immetus, sutus, insutus, versus, inuersus, peruersus, primus, vnum, duo, tres, quatuor, quinque, sex, septem, & pleraque alia, idem significant Lituano sermone quod & Latino. Deuenerant vero in hæc loca maiores nostri, milites & ciues Romani, missi olim in colonias, ad arcendum à suis finibus gentes Scythicas. seu ut certior fert opinio, sub C. Iulio Cæsare appulsi, Oceani aduersis procellis. Nempe cùm is Cæsar, vt scribit Luc. Florus, viatis Germanis & in Gallia cæsis, Rhenum proxima parte Germaniae domita superans, ac deinde Oceano in Britanniam disiecta tempestatibus classe, parum prosperè nauigaret, delatae enim naues maiorum nostrorum ad litus, vbi nunc est arx Samagitiæ Ploteli, creduntur egressi in terram. Quin & nostro tempore pertuenerunt naues quædam transmarinorum in illud idem litus. Vbi nostri progenitores laborum & periculorum maris pertæsi, & captiui tam viris quam fœminis onusti, cœpere in tabernaculis ad focos, more militari, adhuc in Samagitia durante, vitam degere. vnde viterius progressi, subegerunt vicinos populos Iaczuinos, deinde Roxolanos seu Ruthenos, quib. tum vt Moscis dominabantur Tartari Zauolhenses: & singulis Ruthenorum arcibus præsidebant ii, qui appellabantur Baskaki, è quibus exacti sunt à parentibus nostris Italos, qui postea Litali, deinde Lituani appellati sunt. Tum innata fortitudine, populis Ruthenicis, regionibus arcibusq; è Tarrarica atq; Baskakorum seruitute ereptis, ditionem suam à mari Samagitico, quod Balteum dicitur, ad pontum Euxinum vbi ostia Borysthenis, & ad fines Vallachiae, alterius Romanorum coloniæ, & terras Voliniæ, Podoliæ, Kijouiæ, Sievvier, atque campestres regiones vsq; ad terminos Tauricæ, ac Tovvanitraiectū Borysthenis, omnia occupans, & illinc aquilonem versus ad ultimam & proximam metropoli Moscouiæ arcem Mozaisco, ipsa quidem exclusa, sed Wiazmam, Dorohobusz, Biela, Toropetz, Luki, Pskovv, Nouihorod,

horod, omnibusque citerioribus arcibus & prouincijs inclusis protulerunt. postmodum amplificata sic virtute militari ditiones sua, diadema quoque cum nomine regio obtinuerant Principi suo Mindavgo, sacri baptismatis charaktere insignito. Sed extinto illo rege, etiam nomen regium atque Christianum interierat, donec rursum vicina nobis & Christiana gens Polona, ad sacrum baptisma & regale fastigium anno Christi 1386. inuitaret feliciter hic dominantem proatum Sacrae Maiestatis vestrae diuū Wladislauum, Lituaniæ Iagelonem nuncupatum, quod virtus duarum gentium confinium consociata fortior foret in reprimendo communi Christiani nominis hoste. Quam Iudei, in regionem confluxit ex alijs prouincijs omnium pessima gens Iudaica, iam per omnia Podoliæ, Voliniæ & alia fertiliora oppida aucta; perfida, callida, calumniatrix, quæ nostras merces, monetas, Syngrapha, Sigilla adulterat, in omnibus emporiis viatum Christianis præripit, nullam artem præter impolturas & columnias exercet: ex progenie Chaldaeorum natio pessima, vt tradunt sacra literæ, adultera, peccatrix, infidelis, nequam, peruersa.



## EPITOME FRAGMINIS

Sexti.

**D**RASTANT nobis Tartarinon solum frugalitate & prudētia, verū etiam dilectione proximi. conservant enim societatem inter se & beneficentiam. seruorum quoq; iustum habent rationem, quos non nisi alienigenas habent. & licet aut bello aut pretio quæsitos, tamen ultra septennium non retinent. iubente id Scriptura Sacra Exod. 21. at nos nec bello nec pretio acquisitos, nec exterios, sed nostræ gentis & religionis, orphanos, egenos, coniugis ancillarum irretitos, tenemus in servitute perpetua. abutimurq; autoritate in eos nostra, dum eos cruciamus, mutilamus, necamus absq; iudicio legitimo, ob quanticum cunq; suspicacionem. Contra apud Tartaros & Moscos nulli magistratui licet necare hominē, licet in criminē manifesto, præterquam metropolitanis iudicibus: id q; in metropoli, at apud nos per omnes vias, villas, sententia vulgo fertur in homines. adhæc ex solis saltibus nostris oppidanis inquiliinis, aratoribus pauperissimis, stipendia in defensionē reipub. exigimus, dominis fundorum præteritis, cum tamen ij plura percipient ex suis latifundiis, agricultoribus, pratis, pascuis, hortis, oleribus, pomarijs, syluis, nemoribus, melle, venatione, cauponis, officinis, mercatibus, telloneis, naulis, portorijs, lacibus, fluminibus, stagnis, piscinis, molendinis, pecorum gregibus, seruorum ancillarumq; laboribus, magis autem procederet bellica expeditio & tributum in eam, quod sit viritim, si inchoata fundorum agrorumq; omnium tam nobilium quam plebeiorum æqualis dimensio absolueretur, qui enim maiores agros haberet, plus contribueret.

EPI-

Serni Litua  
nici

## EPITOME FRAGMINIS

Septimi.

**T**ARTARI suas mulieres in abditis semper tenent locis, nostræ vero circumeunt domos ociosæ, cœtibus virorum se miscendo, vestitu ferè virili, unde nascitur libido. iidem repleturi incolis terram quæ ad inhabitandum creata dicitur, & genus humanum ad laudem Domini propagatur: præterea cum non omnis mulier fœcunda sit, nec quolibet mensis tempore attingenda à viro, neque semper ad concipiendum apta, & concepto semel fœtu, non sit interim cognoscenda, quippe cum proliis gratia non libidinis accipiatur vxor, & vnicco congressu concipiatur fœtum interdum non vnicum, vt patet in Thamat & Rebecca: propterea inquam Tartari tantum seminis virilis vigorē considerantes, neue illud præter opportunitatem effundatur cauentes: sequuti ducem naturam, atque laudabilem prischorum hominum, de quibus in Biblijs, consuetudinem, plures simul singuli vxores habent. Ex quibus coniugis vires contra nos maiores acquirunt, numerosas filiorum & affinium copias consequuntur, & vxores, quantò plures, tantò sui amantiores habent, faustisque fruuntur matrimonij. nec sponsorum magnas dotes querunt, nec formas nec inlytas familias. adeò ut summi principes ex captiuis empti si coniuges sumant.

Cæterum nostri contra morem prischorum, sanctorumque hominum, & belluarum naturam, honor sit pijs aurib. nonnumquam plures ad vnam accedunt fœminam, nullum hinc nec proliis nec affinitatis, neque ullius amicitiae fructum sperantes, nec Deum verentes, dotes querunt, formas spectant, quibus sibi fœminæ obligant & deuinciunt viros superiores sunt, & id studēt ut non tam integræ quam pecuniosæ & formosæ habeantur, et si tuane.

Polygamia  
Tartaroru.Vxores Li-  
tuane.

D 2

fictis nonnunquam pecuniis, pictis faciebus. id quod latius in populo nostro patere coepit, postquam promulgata est nobis lex Stat. Lit. dist. 4. arti. 7. concedens pro dote mulierib. certas haereditatum partes. vnde insolentes factae, subinde virtutem negligunt, tutoribus, parentibus, maritis immorigerae fiunt, & viuentibus immaturam machinantur mortem. haec multitudo vxorum facit ut vicini nostri Tartari Preconenses toties à nobis ad internectionem cæsi, rursum repululascant. nec ita pridem in copijs Oslam, Soltan fuerunt collectanei eius, cuiusdam Omeldesz 40. filij simul, robusti vno anno & mense fortassis, ex vxoribus & pellicibus earum procreati. quæ cohors 40. fratum germanorum conspicua fuit. & hic apud fluum Vaka villa Tartarorum frequens est, antiquitus 40. Tartarorum, id est, fratum appellata. Mercandarum sponsorum morem, qui est apud Tartaros, patet fuisse etiam apud Israelitas, Genes. 29. & 1. Reg. 18. quemadmodum & in nostra olim gente soluebatur parentibus pro sponsis pretium, quod Krieno à Samagitis vocatur. Sed nunc mancipamur dotibus vxorum, & serui propter eas efficimur quærentes magnificas affinitates.

Nec Tartari nec Mosci ullam permittrunt mulieribus libertatem. Ac vulgo id dicunt: Qui mulieri libertatem concedit, is sibi eam adimit. non sunt sui iuris apud eos. apud nos verò quædam multorum virorum capitibus dominantur, possidentes pagos, vrbes, tractus, aliæ vsu fructuario, aliæ haereditario iure. qua dominatus libidine degunt sub praetextu virginitatis aut viduitatis effrænes, & subditis molestæ, alios odio prosequentes, alios amore cœco depereunte, ac extollentes, cum morte amerior dicatur esse mulier, & nihil sit peius ira eius. Ecclesiast. 7. & 25.

*Feminae capitanæ.* Et cum imperium muliebre satis turpe sit, etiam intra penetralia priuatæ domus, tamen apud nos tenentur ab eis arces finitimæ regionibus Moscorum, Tarrarorum, Turcarum, Valachorum, non nisi cordaris credendæ viris. non iniuria igitur progenitores S. Maiestatis V. libertatem licentiamque hanc haereditatum non permittebant mulieribus. sed

eas

cas nuptui tradebant, suo non illarum arbitrio: non opibus, nec genere, sed virtute nobiliorib. viris, qui se nobilitabant profundendo in bello & suo & hostium sanguine. itaque agasonibus etiam, qui se bene in re bellica gesserunt, dabantur hic heroidæ viriores: votati quidam Sakones & Sungailones.



## EPITOME FRAGMINIS

## Octau.



VIBVS p̄emijis alij illecti, frequentes etiam ex plebe, siebant boni milites, quibus fulti progenitores S. Maiestatis V. longè lateq; distinctionem proferebant suam, ita ut etiam nunc in media Taurica & Moscouia alijsque provincijs cernantur vestigia maiorum Maiestatis vestræ: appellantur enim ibi quidam Gediminei ac Vitovvdini valli, colles, putei, pontes, viæ, fossæ, statuæ & mœnia tormentis indigetum illorum quassata, alia vero baculis etiam Lituanorum obruta fuisse memorantur. sed tamen non torpore nec otio languebat patria pubes, exercebatur assidue in militia more progenitorum suorum Romanorum, non illi dum indiceretur bellum, aut grauem ab hoste iniuriam, aut temporis æstiui opportunitatem expectabant: sed vel ob priuatam, vel non admodum grauem subditis iniuriam factam bella faciebant, Moscorum metropolim Moscviam nonnunquam circa festum paschatis attingebant, ibidemq; cum hostibus supplicibus foedera iciebant. at nunc princeps illorum ferox nobis est, vt pote qui gentes suas exercet in assidua militia, non licet cuiquam indigenarum domi semper sedere: Verum alternis viibus, excubandum est foris in praesidijs confiniorum. taxant hanc nostram supinam securitatem, hostes nostri Tartari, visitato suo scismatico, cum nos post comedationes somno sepultos, hinc cum verbis inuadunt: Iohannes tu dormis, ego tevinciens,

*Virtus antiquorum  
Lituanorū.*

D 3

laboro. plures nunc nostrates ociosi milites in cauponis, mutuis  
cædibus quām ipsi hostes, qui patriam nostram crebrè populantur,  
pereunt, qui exercendo se in campis cum sobriis solertibusq;  
hostibus, in finibus Podolæ atq; Kiiouiæ, haberent copiam de-  
certandi magis gloriosam, & ex tyronibus strenui milites ac du-  
ces euaderent, nec aliunde ad ea munia obeunda quærerentur.  
Non contemnebant suos vernas, maiores Maiestatis vestræ, quos  
expedit ac necesse est pugnare fortius, ac mori pro legibus & pa-  
tria. Nec, si patruelis S. Maiestatis vestræ Rex Hungariæ Ludo-  
uicus, suos milites vernaculos peregrinis antetulisset, in expe-  
ditione contemptus, in prælio desertus, in fuga conculcatus fu-  
isset. Expertus est fidem suorum, avus & illius & Maiestatis ve-  
stræ diuus Casimirus, pugnans ad Choinicze in Prussia cum  
Cruciferis, vbi & militis & ducis boni fungens officio, turbata  
suorum acie, & labore & onere armorum lassus, equo saucio lan-  
guente, confessim corporibus militum gentis nostræ circumse-  
ptus, alio consenso, disiectis hostium agminibus periculo præ-  
senti ereptus est, quod Mosci æmulati, nec armis exercet nec pe-  
cunijs ditant milites peregrinos, aliquando è regione excessu-  
ros: sed suos vernaculos iugiter perseueratios fouent, curæ ha-  
bentes non stipendiorum, sed hæreditatum illorum quantita-  
tes. nunc autem nostri milites ordinarij in confinibus, quamvis  
multò vberioribus & hæreditatum fructibus & laborum, ac re-  
missione censuum, alijsq; militaribus gaudeant prærogatiis:  
tamen hæc stipendia contemnunt, permissa & armorum exerci-  
tatione & patriæ defensione transfugis Moscouitis atq; Tarta-  
ris. pendimus quotannis munera Cæsari Precopeni: Cum ta-  
men nostra Lituana & Samagritana pubes ad militiam vtilior es-  
set, tam ferocitate naturali, quām corporum robore, & perseue-  
rantia in præsidij constantiore. Sed neq; hoc considerant Sum-  
mates nostri, senescere ocio ciuitatem, & corpora iuue-  
num salubriora fieri in militia  
quām domi.

F R A -

Ludouicus  
occisus  
1526.



## FRAGMEN NONVM.

**N** Lituania vnuus homo decem occupat officia, cæteris ab administratione illorum exclusis. at Moscus æqualitatem inter suos seruat, non uni plura munia concedit. quin vnius arcis curam eamque annuam, vel ad summum duorum annorum, duobus simul præfectis, duobus notarijs committit. quæ res facit ut aulici spe obtinendæ præfecturæ alacrius seruant suo princi-  
pi: & subiecti clementius habeantur à præsidibus, postea ratio-  
nen reddituris, & in iudicium venturis. nam damnato repetur-  
darum, in eūdum est cum iniuria affecto, plebeio etiam, duellum.  
& quamvis liceat incusato, alium loco sui ad certandum surro-  
gare: tamen hoc succumbente, accusatus poenas luit. ita fit, ut mi-  
nus crebræ audiantur in regia oppressorum querelæ.

Duella Mo-  
scouitica.

Quin & in re familiari, enitet solertia barbari illius. adeò e-  
nim nihil in ea neglit, vt & paleas, stipulas, stramen vendat.  
proferuntur in conuiuiis eius grandes pateræ aureæ & argenteæ,  
stramineæ cognominatæ, id est, è straminum palearumq; pretijs  
conflatæ. Habet & id commodi ex frugali præfecturarum dis-  
pensatione, vt quoscunque ad limites terrarum tuendos, ad ne-  
gotia publica, legationes etiam longinquissimas obeundas mit-  
tit, hæc ipsi non vllis sumptibus à principe acceptis, sed suis  
perficiant. Et siquidem omnia ex re ac sententia eius peregerint,  
præmiorum loco non præsentem pecuniam, sed has de quibus  
iam dictum præfecturas, ab eo accipiunt. quarum similes apud  
Romanos quoq; fuisse Lucas in Actis cap. 24. testatur. Expleto  
inquit biennio, accepit successorem Felix Portium Festum.  
Econtra apud nos qui aliquo allegantur, quamvis nondum me-  
riti, tamen abundè accipiunt ex ærario pecunias, licet plerunq;  
rebus infectis, reueniantijs per quorum possessiones iter habue-  
rūt, graues, & equis dispositis quos podvvodas vocamus exhau-

ORIS

stis, at in Moscouia nulli patet usus talium equorum, quām tabellario publicae necessitatis causa præproperē currenti, quorum veloci cursu, & crebra fessorum mutatione, (nam ubique locorum sunt eam ad rem pernices & integri,) nunci, perferuntur cito. In Lithuania vero, prodiga est diplomatum dandorum ad eiusmodi cursus Cancellaria Maiestatis vestre. Subinde delassantur Podvoda priuatis aulicorum rebus vehendis. sitq; tali defectu Podvodarum, ut incauti inuadatur ab hostibus, aduentum illarum ab ipsis finibus, præuertentibus. Sunt autem non ita pridem ab hoc ministerio exemptis, qui illud fundis ad hoc antiquitus acceptis, præstare debebant, per omnes vias à regionib. Moscorum, Tartarorum & Turcarum ad Vilnam Metropolim nostram. quæ illorum priuilegia, abroganda essent, ut pote nocentia publicae vtilitati. Transfugarum Moscorum crebro ad nos venientium, magna iam est multitudo, qui exploratis rebus, & pecunia, fortunis, rerum morumq; nostrorum cognitione instructi, liberè ad suos reuertuntur; dum hīc sunt consilia nostra, clām suis produnt. at apud Tartaros in mancipiis habentur: ab Liuoniensibus vero, licet nullas illorum terras occupauerint Mosci, sed perpetuae pacis vicinitatisque feedere coniuncti ipsis fint, tales occiduntur. Porro qui occidit, is ultra spolia cæsi, capit à magistratu certam pecuniam. quippe parent Siracidi monenti, ne vnuquam credas inimico tuo, ne statuas eum iuxte, ne conuersus stet in loco tuo, quibus consilijs si & nos obsecundassemus, non arces neq; prouincias Seuerenses amissimus. quibuscum defecerunt à nobis Mozaiski & Ossomacitz. hi enim recepti inopes, deficiuerunt locupletes, aucti prouinciis administrationi suæ creditis. Est namq; hoc hominum genus dolosum, & perfidum, nusquam sincera fide vel animo firmo. reuersi in patriam ducesque sui facti, vastarunt audacius regiones nostras. Inter perfugas Moscos, qui intempestis noctibus homines Vilnae contrucidabant, & ex carcere sua gentis captiuos liberabant, fuit unus presbyter qui cancellariae regiae clandestinè quæsita exempla federum, decretorum, consiliorum, ad suum Ducebat, alius Eucharistiam, de quadam virginе inter communicandum seruatam, causa magicarum præstigiarum emit. & cum

anno

Transfugae.

Mosci mali.

anno 1529. omnis Vilna deflagraret, confessim hoc istud sagax & sceleratum genus hominum, principi suo indicauit. vbi in templo cathedrali divi Stanislai, plumbo teeti & fastigijs inauratis, multisque vasis aureis, argenteis atque gemmis ornati, conflagrarent antiqua vexilla, in victorijs acquisita Roxolanorum, Moscorum, Alemanorum aliorumque populorum circiter trecenta, noua 12. quæ ibidem appensa erant, post victoriam de Moscis ad Orsam 1514. 8. Septembris, natali die Mariae virginis: Cūm cæforum & captiuorum octoginta millia essent. Est enim à vafro illo homine transfugæ redeunti etiam inani & inertí constitutum præmium, seruo libertas, plebeo nobilitas, debitori obærato absolutio, scelerato impunitas. Est nobis insignis arx & oppidum Kiouia. quæ tamen ut aliae, negligitur, ex cuius promontorio multa alia videri loca, vulgatum est Roxolanorum prouerbium. Princeps aliarum arcium & prouinciarum, ad amnem sita, campestres & sylvestres hinc inde attingens regiones, habet fundos adeò fertiles, & cultu faciles, ut duobus saltet arati bobus idq; semel germinent copiosissimè. inculti etiam herbas proferunt, radicibus & culmis cibantes hominem: & arbores variorum nobiliumq; fructuum, atque vites, vuæ minimè aegrestis racemorum grandium: labruscae vltro in ripis quibusdam pullulant. Quercus & fagi veteres, vetustate excavatæ, examinibus apum & fauis, colore & sapore iucundissimis redundant.

De Kionia.

Ferarum in sylvis & campis tanta copia, ut bisontes, onagri, cerui, tantum pellium gratia maestetur, quorum caro ob nimiam abundantiam omnis abicitur, præter spinam dorsi pinguioris. damæ, apri contemnuntur. Dorcarum ea vis migrantium hyeme è campis in sylvas, & æstate in campos, ut tunc singuli rustici mille occident. Castores frequentissimi in ripis domicilia habent. Auium multitudo miranda, adeò ut pueri verno tempore repleant scaphas ouis anatum, anserum syluestrium, gruum, cygnorum, deinde pullis earum refercant viuaria. Aquilarum pullos caueis recludent pennarum causa, sagittis aglutanendarum.

Canes nutriti carnibus ferinis & piscibus, nam incredibili multitudine turionum aliorumque grandium piscium, ex mari sursum in dulces aquas ascendentium, scaturiunt amnes. quo-

E

Ingens rū  
piscium.

rum aliqui aurei appellantur, Præsertim Pripiecz. qui certo quodam loco apud Mozir, ad ostia fluuioli Tur, recenti vnda è fontibus emanante, repletur quotannis ad Kalendas Martias, tanta piscium multitudine, ut hasta inter eos immissa hæreat ac perstet recta, perinde si terræ in fixa foret. tanta est piscium densitas. quod nec ego crederem, nisi sæpe vidissem hauriri illinc pisces absque intermissione, replerique eis mercatorum exterorum die uno mille circiter currus, qui ad statum illud & anniuersarium tempus illò conueniunt.

Omnium autem qui ibi sunt fluuiorum, & maximus & fructuosissimus est Borysthenes, immensam copiam non piscium tantum sed aliarum etiam rerum Kiouiae suppeditans. Cui ab Oriente supra Kiouiam iunguntur amnes Dessa, Siem aliquæ è prouincia Sevvieriensi & Moscouia. à Septentrione verò, Occidente & Meridie, illabuntur in eum Sos, Berefina, Prypiecz, Slorzesnia, Vfia, Teterevy, Riepyv, aucti singuli fluuijs, Vechra, Propascz, Iputz, Drutz, Bobr, Tirvva, Pczit, Slucz, Oressa, Stir, Horinia, Pienä, fluunt & alij multi de terris Lituaniae, Russiæ, Voliniæ & Moscouiæ, deorsum atq; suisum, per quæ omnia deuehuntur Kiouiam pisces, carnes, pelle, mel & sal ex lacunis Tauricensibus, Kaczibieiovv appellatis. vbi singulæ naves implentur sale emto denis sagittis.

Est etiam Borysthenes omnibus Maiestatis vestræ prouinciis ad arcendos incursus Tartarorum vtilis. Nam & nauigantibus eo, infra Cerkassi obstant quædam limina vndecim locis, certa habentia nomina. hæc ardua & transuersa cautibus asperis eminent. quæ transiri nisi exoneratis nauibus non possunt, & proper excelsas & abruptas riparum rupes non potest accedi nec traiici, nisi quibusdam locis infra Cirkassi. ea appellantur Ker-méczik, Vpsk, Hierbedievrog, Massurin, Koczkosz, Tovvany, Burhun, Tyachinia, Oczakovv. quæ loca vel parua manu nauali obsessa, arcet à transitu maximas Tartarorum copias. Nam cùm tranant ut solent absq; nauibus, equis adnixi, & inermes & nudis profligantur ab ijs qui armati, nauiculis proruunt ex insulis, arundinetis atq; salicetis.

Sed vt habent Precopenses Borysthenem nostrum æstate sibi infestum,

infestum, ita hyeme commodum, quia tunc sublata nauigandi opportunitate, securè greges suos extra fossam in eiusdem amnis insulis & salicetis pascunt. Ideò illumi melle & lacte fluere dicunt. quippe qui supra per nemorosos & apiferos, infra per campestres & pascuos means agros, suppeditet accolis lactis mellisque copiæ. propterea ij persuasum habent, colenda sibi esse fœdera, & societatem seruandam cum magno duce Lituaniae Borysthenis Domino. qui amnis torus à summo ad imum fluit, scilicet & oriens & occidens per terras ditionis vetustæ Lituanicæ, iuxta arces à me perlustratas, Viazma, Dorohobusz, Smolensko, Dubrovno, Orissa, Mohilev, Rohaczovv, Bihovv, Reczicza, Lubecz, Czornobil, Kiovv, Kanievv, Czerkassi & Dassovv, aliter Oczakovv. Vbi inuoluitur mari duodecim ostii diuisus. quorum summitas dicitur Linien. Vnde haud procul ostia Dnestri, cognomen habent Vidouo, ab Ouidio poëta, qui ea in parte ponti exi- tixulasse creditur. Ita & Ilium seu Troiam quidam existimant fuisse in territorio Kiouiensi in campis fertilissimis, nemoribusq; amoenissimis. Vbi cernuntur monumenta, extantibus adhuc multis ruinis, fornicibus, cryptis, paumentis marmoreis, & magnorum murorum reliquiis: qui locus pridem desertus, sed ad habitandum commodissimus, vocatur nunc Torgoutza.

Mercimonijs quoq; exoticis affluit Kiouia. Quidquid enim gemmarum, holoserici, auri filati, bombycis, thuris, thymiamatis, croci, piperis, aliorumque aromatum ex Asia, Perside, India, Arabia, Syria fertur in Septentrionem, Moscouiam Plescouiam, Nouogardiam, Sueciam, Daciam versus, non alia certiore, rectiore, & magis trita via quam ea quæ à portu ponti Euxini, hoc iter meritorum orientalium. est, ab urbe Caffa, per portam Tauricę, & Tovvani, traiectum Borysthenis, & inde per campos Kiouiam ducens, antiqua & sulcata suorum profunditate notissima est. Solent enim illac crebro proficiisci exteri mercatores plerunq; mille numero, aggregati in cohortes Korouani appellatas, cum multis carpentis onustis & camelis clitelatis. à quibus insigne telonium antiquitus pendebatur progenitoribus Sacræ Maiestatis Vestræ, in trajectu Borysthenis ad Touani. vbi etiam hodie extat camera lapidea fornicata integra, quam & nostrates & Tauricani & Græci,

Arces ad Bo  
rysthenem.Ouidii exi-  
lium.

Poenas or-  
tatorum.

balneum Vitordinum vocant. aiuntque excubasse ibi publicanum Magni Dicis Lituaniæ. qui telonium exigebat. quod si quis non soluisset. aut scortatus esse deprehensus fuisset. is confiscatis Kiouiae bonis omnibus. multabatur. quæ lex Ossimiczywo dicta. frænandæ salacitatis Saracenice causæ fæcita. & multis seculis seruata. haud pridem antiquari cœpit.

Quando verò mercatores duplicem Borysthenis traiectum fugientes. nec telonium Maiestatis vestræ pendere volentes. omessa via antiqua ducente per ditionem Maiestatis vestræ. à porta Tauricæ deorsum digrediuntur. rectâ se campis invijs in Moscouiam ad Putiul cōmittentes. vel ex hac redeuntes. sit ut à quibus suis spolientur. etiam à latrunculis ibi oberrantibus.

Tum verò multa lucrantur Kiouenses Praesides. publicani. mercatores. trapezitæ. naucleri. vesciores. lixæ. caupones. nec antehac de hoc querebantur. aut Moscus. aut Turca. aut Tartarus. Verum & tum commoda percipiuntur ex his Korouanis. cùm interdum brumali tempore iter habentes per campos inuium. aggeribus omnes obruuntur atq; suffocantur.

Ita cōtingit ut tuguria Kiouensiæ. alioquin sati superque frugibus. fructibus. melle. abundantia & carnibus piscibusq; sordentia redundant pretiosis sericis. gemmis. zobolis alijsq; pellibus. aromatibus. adeò ut viderim ibi sericum quam vilnæ linum. & pipersale vilius esse. Est etiam fœlix & celebris Kiouia hominum affluentia. nam ad Borysthenem. & alios in eum influentes amnes. multa sunt oppida populosa. plures villæ. quarum incolæ iam inde à puero assuecant natare. nauigare. piscari. venari. quorum alij vel patriam potestatem. vel seruitutem vel laborem. aut poenas vel æ alienum cæteratue fugientes. alij lucri vberioris. loci que celebrioris gratia. præfertim verno tempore. in eam appellunt. Cuius arciumque infra eam sitarum experti delicias. nunquam deinceps ad suos redeunt: ac breui tempore reddunt exercitatores. cominus vrsos. bisontesque feriendo. quibus vita periculis assueti. hunt animofiores. proinde facilius ibi habetur copia bonorum militum.

Volodimi-  
rus Mosco-  
rum dux,

Eadem fuit Russiæ Moscouiæq; ducum regia: in qua itidem Christiani facti sunt. quæ nunc quoque Basilicas habet vetustas  
è mar-

è marmore polito. & alijs exoticis materijs. sumptuosè ædifica- fit Christia-  
tas. plumbeis. æneis. quibusdā etiā inauratis laminis testas. Sunt nus cum  
& monasteria opulentissima. maximè quod Beatæ Virginis Ma- suis Anno  
riæ consecratum est. id in suis cryptis & cuniculis subterraneis 988.  
habet multa sepulchra. in quibus sunt cadavera integra & arida:  
quæ cum sanctorum esse credantur. magna veneratione à Ruthe-  
nis coluntur. nam quæ ibi corpora sepeliuntur. eorum ab hoc a- Supersticio.  
nimæ saluæ futuræ creduntur. propterea omni præstantiori ex longinquis quoq; locis nobilitati. & sumptibus & eleemosy-  
nis magnis. sepulturæ ibi queruntur. Seruat & Moscorum dux  
non paruam pecuniam. quam ex fundis eiusdem monasterij in  
suam potestatem redactis. singulisanis colligit. Sed reddere id-  
eo differt. quod hanc sedem. quæ ipsi cordi est. magnopere ex-  
petit. stirpem se esse Volodimiri hæredis Kiouiae dictitans. non  
minus dolent illius homines. quod non possideant tam anti-  
quam stemmatum sanctuariorumq; suorum cathedralm.

Tot virbis commoda. habent etiam sua incommoda. nam in-  
colæ eius haud tuti sunt à Tartaris. ex insidijs terminos eius at-  
tingentibus. tamen non tentant vi expugnationem illius. Est &  
aduenis periculum à febribus ex diurno somno. & piscibus atq;  
fructibus audius sumtis. prouenientibus: equis autem eorum ex  
graminibus eluuie pesculenti Borysthenis infectis. Segetes quo- Locustæ.  
que saepe corrumpuntur à locustis. ex maritimis locis venien-  
tibus. Nascentur ibidem ad aquas & in sylvis. ut apum ita alio-  
rum examina insectorum. sanguini infestorum. ut bru-  
chorum. culicum. muscarum. potissimè  
à Kalendis Iulij.





## E P I T O M E F R A G M I N I S

## D e c i m i .

**M**AHOMET legem fert anno 621. ELIGIO seu lex est communis Tartaris cum Turcis atque alijs Saracenis, quæ Iudaismum olet, & hæresim quandam Nestorianam. Deum vnicum & simplicem profitetur. Christum verò, sanctum Prophetam & iudicem mundi postremum, Virginem puram natum, sed non passum credit. Circumcisionem obleruat. Sed eam tam adulta ætate suscipit, qua Ismahel patriarcha illorum circumcisus erat. Orta autem hæc secta proditur in Mecha oppido Arabiæ, Anno salutis humanæ pene sexingentesimo, suggesterentibus eam Iudæis, ibi post euersam Ierusalem degentibus, machinatione cuiusdam Sergii monachi & apostatae nefandi, in perniciem Christianitatis. Ea edita per quendam Arabem idiotam, ingenii callidissimi, qui ex auriga vir & dominus uxoris suæ diuitis factus, ad principatum etiam inter suos aspirauit. quo conatu frustratus, se nuntium & prophetam Dei finxit, & idolatris Arabibus persuasit. Hæc lex quā armis profrendam sibi esse existimant, adeò fabulosa est, vt finem bonorum & summam voluptatem statuat in voluptatibus, quibus scilicet beati gustu, tactu cæteribusque sensibus exterioribus, in futuro seculo explendi sint. Et tamen barbari in tali errore pecuino iacent se Dei proximique amore, & operibus, quibus placatur Diuina Maiestas, nos excellere. eamque ob rem propitium sibi esse Deum pollicentur, suarumq; rerum statum, vt est hominum vanitas, augustiorem indies facturum sperant.

Nos autem Christianos ob magnam rerum diuinorum negligientiam, & quas alius alium afficit iniurias, iniquitates, vituperant, rident, barbaros, exleges, nomen saltē Christi gerentes,

non

non legem eius præstantes, conuitijs incessunt, & sua indignos communione reputant. Iustitiam sanctè colunt. Religionem suam assiduo conatu propagant. Diem à precatione auspicant, & precibus finiunt. quotidie mane, vesperi, & pomeridianis horis orant; nulla, quo id minus agant, necessitate auocari lesinunt. non id opus in solos sacerdotes rei sciunt: et si illos saltem à precatione & lege interpretanda habent. quilibet pro se tam clericus quam laicus pariter, & clam & coram hominibus turmatim in coetibus Deum confitentur. Semper sobrij, aqua lustrali membra loti, terram in qua cum Deo loquuntur, imitati sacram scripturam pro sancta ducunt, & insternunt. nulli sedilibus in fanis vtuntur. characteres, præscriptos & certos gestus adhibent, palmas ad cœlū expandunt, genua flectunt, incuruant se usque in terram, proni in faciem procidunt, toto corde & omnibus membris orationi incumbunt, in qua nō valde multa verba repertunt, sed hæc precipua: *Soli Deo immortali Creatori cœli & terra, preter quem non est aliis, honor & gloria in secula seculorum.*

Precationi adiungunt ieunium. affligunt enim totos dies animas suas non solum fame & siti, sed ab omni opere & verbis profanis abstinentes, nihil præter diuina curantes usq; ad intempestam noctem, capientes cibum non ad luxuriam, sed ad virium refectionem. Rident ieunia nostra non fame, non siti, non cinere, non rerum diuinorum contemplatione, non vigilijs, non orationibus condita.

Sunt & in eleemosynis dandis liberales, neminem enim suorum unquam mendicari, aut fame vel algore perire patiuntur. Adhibent tamen in hac beneficētia iudicium, nam non dant ijs qui eleemosynam in ingluviem & luxū conuertant: sed pauperibus, debilibus, peregrinis, scholasticis, literis & ritibus Religionis ipsorum cognoscendæ studentibus.

Arcana diuina scrutari nefas prophanumque esse existimant, nostram temeritatem execrantes, quod quidam ex nobis de iudicijs & secretis diuinis, quæ magna abyssus vocantur, in suis commissariis dispergunt, nomen Diuinum frustra usurpent. Irridet Tartari nostros Ecclesiast. seu prophetas, taxant tēpla su-

Ceremoniae  
Turcice &  
Tartaricae.

pellestilis, sed iliorum, ararum, simulacrorum, & Dei ad senectutem vergentis, & mulierem venustarum, lasciviam mouentium plena, quibus in sedilib. honoratores molliter recumbant, cùm res diuina agitur, dormiant. iidem obscurioris conditionis homines à confessu arceant, in templo multis cincti stipatoribus veniant, eosdem ante se, suam ostentantes superbiam stare finant. at ne ipse quidem Tartarorum Tyrannus, ante quenquam apparitorem, stipatoremque in Synagoga stare, aut se præ vulgo illustriorem esse patitur, non villam sedem quærit, quanto maior est, tanto se humiliorem præstat.

Nos æris pulsū, illi certis laudis diuinæ verbis ab vociferationibus ad templo se inuitant: nos quod in laudibus diuinis aures delectemus nostras buccinis, organis, harmonijs, verba precatiōnis obscurantibus, & organis interea nostris naturalibus silentibus, reprehendunt.

Sacerdotes.

Quos habent sacerdotes ij, nec auari sunt, nec ambitiosi, neq; voluptatibus, aut acquirendis possessionibus dediti, multo minus negotijs secularibus implicati: sed sunt frugi, mansueti, modesti, officij sui studiosi, religioni intenti, qui tantum præcinnunt, & legem interpretantur.

Taxantur etiam sacerdotes nostri non solum ab Ethniciis sed à viciniis nostris Ruthenis, quòd vinum, quæ est res luxuriosa, bibant, carnes manducent, neque habentes in se procreandi libi simile appetitiam, vxores ducant. cùm nemo continens esse, nisi id ipsi Deus dederit, queat. ab his abstinent cælibes monachi Græcorum. Porro habuisse antiquitus sacerdotes suas vxores, id ex multis Sacrae Scripturæ locis liquet. Leuit. 21. 3. Esd. 9. Dan. 14. Ezech. 44. Baruch. 6. Luc. 1. 10. 18. ad Titum 1.

Quod si nunc etiam nostri facerent, abstinentendo ante triduum, cùm vasa domini portanda essent: viuerent sanctius quām in fucato cœlibatu delicati epulones, quos viri semper libidine aut concubinas alere, id est, vt Sophonias dicit, sanctū polluere necesse est. Et tamen nos in istos mercenarios officium laudandi Dei, nobis scil. graue, reiçimus: cùm iij irritent potius suis prauis moribus, quām placent Deum, vices à nobis sibi delegatas, in vicarios negligentes reiçiunt: ipsi interea ocosi & voluptatibus intenti,

intenti, vt fuci mel apum, sic isti labores populi comedunt, epulantur, seq; vestiunt splendide, ad munia Ecclesiastica, multa simul, nondum adulta ætate, nec sua natura perspecta, temerè aspirant. negotijs secularibus & profanis se immergunt.

Et licet olim sacerdotibus nefas erat habere partem possessionum cum populo Dei, præter Decimas: tamen nostri non contenti decimis, victimis, pro peccatis, primitijs, varijs quæstibus, *Quæstus sacerdotum.* quos à diuitibus, egentibus, nascentibus, nubentibus, ægrotantibus, morientibus, mortuis percipiunt: adhæc præter opima prædia, multarum simul Ecclesiarum regima, iactura publica, contra ius & rationem appetunt. cùm interim alibi potius quām in his Ecclesijs, ad quas vt dicit Dominus, non per ostium sed tanquam fures & latrones ingressi sunt, non vocati viuant, eas laicis, negotiatoribus, lænonibus locent, vendant. multæ sunt, quæ nunquam viderunt suos pastores seu plebanos.

Si quis à Regni finibus fermè per omnem Lituaniam & Samagitiam atq; Russiam, in Ecclesijs prouertuum adeò bonorum, vt vna multos alere queat, suos quærat pastores, nulla inuenietur in qua pastor a siduè habitet, aut eam crebro inuisat. Ideo vacillat ouium fides, friget Dei amor, cessant diuinæ laudes. Contra tales verò multis locis detonant diuina oracula. Sed nolo me sacerdotibus, quibus nos & sub ijcere & ostendere debemus, post tot genera hominum à me lacepsitorum reddere infensum. fatus sit hæc recensuisse, quibus in meliorem statum redactis, viuemus beatius, cum laude vestræ Regiæ, sed in primis Diuinæ maiestatis.

F I N I S

F R A G M I N V M M I C H A L O -  
n i s L i t u a n i .



IOHAN. LASICII

Poloni,

DE DIIS SAMAGITARVM  
CÆTERORVM QVE SARMATA-  
rum, & falsorum Chri-  
stianorum.

*Item*

DE RELIGIONE AR-  
meniorum.



*Amplitudo  
regni Polo-  
nicus.*

*Origo Sama-  
gitarum.*

AMAGITIA mare attingit Balticum: cuius figura triangularis est. longitudo septuaginta milliarum Germanic. hanc separant fluuij: à Prussia Nemel, ab Curlandia regione Liuonica, Helingegau. quæ prouincie, aliaeq; vsq; ad Borysthenem, in Pontum Euxinum illabentem, regis Polonię imperium agnoscunt. In ea regionis sylvestre parte, quæ ad Regiomontum, Academia, anno Christi 1544. 17. Augusti instituta, plurimum claret. Sunt antiqui Borussi: lingua, moribus ab ijs diuersi Germanis, qui hodie permitti Polonis, Prussiam incolunt.

Tradunt veteres, maiores Samagitarum, (Zamagiris enim se ipsi vocant) Italos fuisse. Neronem Imperatorem de bellica expeditione cogitatem, illos etiam exsules Romanos, qui in Gia- ros sterili quadam insula habitabant, euocare in militia voluisse. Verum hos metu crudelitatis imperatoriaæ consensis eorum à quibus bis terue euocabantur nauibus, ipsi met autem cæsis,

ad

ad Pontum Euxinum appulisse, dehinc per saltus, vbi olim Roma-  
na venatio fuit, quiq; hodie magna ex parte excisi iam, Rus-  
siae, Podoliæ, Lituaniæq; cognomina habent, vsq; ad mare Bal-  
ticum, quod Russi, à Varetzgois quibusdam populis Liuonicis, Mare Va-  
quibus tum parebant, mare Varetzgoie appellant, penetrasse. rei  
huius ut idolatriam, gentisq; calliditatem, Romanæ similem;  
ita sermonem ex Latino quodammodo, barbaroq; cōflatum, in-  
dicium esse. Michalo fragmine quinto de moribus Tartarorum,  
& suorum Lituanorum, paulò hæc aliter refert, ait enim, classis  
Iulij Cæsaris ex Gallia in Britanniam nauigantis partem, co-  
ortis tempestatibus, ad littus Samagiticum, vbi nunc est arx  
Ploteli, peruenisse, saepque etiam hodie in illud ipsum littus, Ploteli arx  
naues nauigantium, vi ventorum ejici solere. vbi Lituanorum Samagitica.  
progenitores, periculorum maris pertæsi, & prædis onusti, in ta-  
bernaculis ad focos, more militari, & adhuc in eadem Samagi-  
tia recepto, habitarint. vnde vterius progressi, Iaczuinos atq;  
Roxolanos subegerint. Haud absurdâ conjectura. Nam & Zama-  
gitia, propter mare vicinum, & Lituaniam superiorem, terræ in-  
ferioris appellationem habet: & Lituanorū cum Samagitis idem  
proprio dū sermo est, idem habitus, iidem mores, eadem ferme  
religio. Quæ regio cùm aquilonalis sit, tam parvæ sunt in ea me-  
dia æstate noctis tenebrae, vt radij solis occubentis excipiunt  
orientē, tumq; plurimū agricultæ segetes demetant suas. nem-  
pe quodd duab. ante meridiem horis, totidemq; post, solis æstum  
ferre in agris messores nequeant. Et licet vix antè, quām trib. post  
Pentecosten hebdomadis, agros conseruant: tamen id ardor cœ-  
lestis efficit, vt eodem quo & apud nos tempore, messis fiat: æstas  
haud diu duret. similis in Molcouia feruor, (mirandam diuinam  
prouidentiam) sex hebdomadis, frugibus maturitatem ad fert.

Secus fit in Irrlandia ultra Sueciam, sub ipso polo. ibi enim  
sex mensium dies est, totidem est nox. cuius tenebras focus peren-  
nis disspellit. qui locus abest à Stokholm metropoli & regia Sue-  
ciae, trecentis milliaribus Germanicis. Id Iohannes tertius, Rex  
Suecorum, qui nunc rerum potitus, cuiq; sua ditio bene nota est,  
cuidam medico, is autem mihi narravit. Sita est Stokholm in  
ipso littore, trans mare Balticum, è regione Samagitæ.

*Dies sex  
mensium.*

Solum Samagitum fertile quidem est, sed cultores eius pigris, nec alijs quam ligneis, superstitione quadam, in arando vtuntur vomeribus. Idcirco inopia panis laborant, cuius loco rapistostis, quæ minori labore proueniunt, & instar humani capitis nascentur, vesci soliti. His verò absuntis, ad panem comedendum se conuertunt. Mellis albi, lactis, butyri, pecoris diuites, pinguib. pascuis felices. Nec eis pisces desunt. Potus, hydromel & ceruisia est. Hæc in vasib. ex corticib. factis, positis intus saxis feruidis, ex aqua, frumento, lupulo, vna nocte cocta, protinus fæces accipit, posteroq; die bibitur. percommoda alui purgandæ ratio. Præcipi cornibus vrorum ornatis (boves sunt syluestres, valde ferociæ) pro poculis vtuntur: strenuos compotatores, cantharo hydromelis, indusio, mantili, manicis, sudariolo, seu re quavis alia operis domestici libenter donant. quib. ceruisia non est, iij aquam bibunt, proceri, agiles, animosi, robusti, ad arma prompti.

Viuunt autem vulgo centum annos. sunt enim frugales, & modicis exercitijs dediti.

Wladislai Iagellonis Polonorum Regis opera, Anno humanæ salutis 1413. (Lituani autem 1387.) Christiana religione initiati sunt. quibus episcopum Miednicij præfecit. duodecim paræcos dedit. dandis pecunijs, pannis cœruleis, pileisq; rubris, iuxta montem Schatria, ad baptismum amplectendum illexit. Vbi monacho regio, de mundo Adamoque à Deo creatis concionante, vñus illorum hisce verbis Regem compellauit:

*Mentitur inquit, ô Rex, hic homo, non admodum senex, multi enim nostrum centesimum annum superauerunt: tamen hac minimè recordantur. eadem illis pueris quæ senibus cœli conuersio, eadem temporum vicissitudo, idem cursus & fulgor syderum fuit. Cui Rex, officio & ipse concionatoris fungens. Verum ait, inquit: nec falsum sacerdos, qui non sua ætate, sed multis ante seculis mundum diuino mandatu ex nihilo extitisse dixit.*

Rei pecuariæ adeò sunt studiosi, vt vñus agricola sexaginta, alijs duplo plus, paullò minus alijs cornuti pecoris, præter oves & capras alat. Equi illorum paruuli: ob nimium opinor frigus: sed tamen robusti. quorum vno, Anno Domini 1554. duobus florenis Vilnæ in Lituania emto, & trahæ iuncto,

vectus

Ceruisia.

Samagita  
anno.

Res pecuaria.

vectus sum cursu celeri vsque Cracouiam, 120. mil. Germanicarum. Feminae pecori curando, viri agris colendis dant operam. iidem deni aut viceni, plures vel pauciores, in uno tugurio linum, lanam, cannabinum pectunt, nent, texunt, vestes conficiunt. Quicquid horum supereft, id Rigam vel Regiomontum, hinc in Hollandiam, pretio tolerabili mittunt. lino enim maximè & cannabinum, agros suos complent. Dispersè per sylvas, campos degunt. rara oppida, nec pagos nimium multos, arces autem munitas nullas habent. quorum fenestræ meridiem versus spectant. Studio Sigismundi Augusti Regis, anno 1572. 7. Iulij mortui, in cœtus & societates conuocati. Mapalia, quæ turres appellant, *Mapalia.* sursum angusta, atque quæ fumus & fætor exeat, aperta, ex tignis, asperibus, stramine, corticibus faciunt. in his homines cum omni peculio, in pavimento tabulato stante, habitant. ita paternaliæ omnia sua in conspectu habet, & feram noxiæ, & frigus à pecore arcet, ad ostium cubat, deastro foci custodia commissa, ne vel ignis damnum domicilio det, vel prunæ nocte extinguantur. Vbi crebrò accidit, vt vel sus vel canis ex olla in foco stante, carnes auferat: aut rostrum, aqua feruente, lædat. Qui in pagis degunt, ii caulas separatas ab æstuariis habent. Tam hi quæ illi plumis concisis, culcitrae farciunt. quæ non possunt non pungere, & vigilantem reddere cubantem. Paterfamilialiæ, mactatis autumno autibus domesticis, iisque pecudibus ac bobus, quos se brumæ tempore non posse alere animaduertit, genio cum suis indulget: quæq; supersunt, ea doliis inclusa, maritimis vendit. foras egressus, alcem, aprum, ceruum, auem, sciurum, bombarda, venabulo, balista, arcu conficit. Sunt enim iaculatores & sagittarii præstantes. in quorum curribus nihil omnino ferri inuenias. omnia lignea, rotæ ex radicibus arborum inflexis, quas procul audias venientes, axibus, quod eas non illinant, stridentibus.

Virgo nō antè nubit, quæm triginta annos, aut minimum 24. *Virginæ.* expletat: & ipsa manibus suis, aliquor corbes vestium, omnibus cum sponso venientibus disperiendarum parer. tum enim dat singulis, vel induitum, vel mappam, vel mantile, vel texta è lana tibialia, vel chiropothecas. hæc in agrum non prodit, ni prius pa-

*Linum.*

*Fere.*

*Pudicitia.*

rentibus inferuiat, & in omnibus morem gerat, idem facit filius. ac præmissi qui eam in matrimonium petat, primum omnium, num progenitoribus sit morigera, reiq; familiaris studiosa, considerant. Et viri & foeminae, sunt amantissimi honesti, rarissima apud eos homicidia, furta, stupra, incestus. puella stricto persequuntur cultro se ad impudicitiam solicitantem. quæ duobus, ante & retrò pendentibus de zona tintinnabulis, nocte autem semper cum face incedit, quibus rebus monentur parentes, ybi sit, quidue agat filia. Pater filio vxorem querens, nec formam nec dotem spectat, satis esse ducens dotatam, si sit morata. quæ succipi plena atq; adulta, magna cum lætitia, in domum saceri inducitur.

*Prefecti.*

Præfectos, quos Ciuonias vocant, non adeunt, quin ipsi aliquam munuscula adferant. Summus toti regioni, dum viuit, præest Lituanicus Senator. hodie est vir eximius Iohan. Kiscka Palatino Vitepvensi natus. inter eos qui minoris dignitatis sunt, fuit Iacobus Lascouius, Polonus nobilis, tractus Calissiensis, ex quo haec percepit: qui in hisce hominibus piè erudiendis, & in certa loca cogendis, Sigismundi Augusti iussu, plurimum operæ impendit. cui Deum Vnum prædicanti, respondebant idololatriæ: *Quid tu nobis Vnicum Deum, quasi omnibus nostris potentiorem inculcas? plus vno multi possunt, plura plures agunt.* Idem agros illorum ad 40. iugorum millia dimensus est. horum tria vni rustico assignata, præter alia minutiora commoda, quinq; florenos fructus annui Regi adferunt.

*Sylva.*

Iussi autem à Lascouio arbores excindere, inuitissimi id, nec prius, quām ipse met inchoaret, fecerunt. deos enim nemora incolere persuasum habent. Sequitur persuasionem effectus. nam in sylvis illorum horrenda quædam visa ac spectra, tam aurib. quām oculis spectantium sele offerunt. Tum unus inter alios percontari, num etiam decorticare arb ores liceret. annuente præfecto, aliquot magno nisu haec repertens decorticauit: *Vos me meis anseribus galliūq; gallinaceis spolia stu: proinde & ego nudas vos faciam.* credebat enim demens deos rei suæ familiariter perniciosos, intra arbores & cortices latere. Quorum tantus penè est numerus, quantus aliorum apud Hesiodum. Nam præter eum, qui illis est Deus Auxtheias Vissagistis, Deus omni potens atq; summus, permul-

tos Ze-

tos Zemopacios, id est, terrestres iij venerantur, qui nondum verum Deum Christianorum cognoverunt. Percunos Deus tonitus illis est. quem cœlo tonante, agricola capite detecto, & succidiam humeris per fundum portans, hisce verbis alloquitur: *Percune deuatae niemuski vnd mana, dievvu melsu tarvi palti miedsu. Cobibe te inquit Percune, neue in meum agrum calamitatem immittas. ego verò tibi hanc succidiam dabo.* Verum postquam nymbus præterit, carnes ipse absumit. Percuna tete, mater est fulminis atque tonitri: quæ solem fessum ac puluerulentum, balneo excipit: deinde lotum & nitidum, postera die emitit. Audros deo, maris cæterarumque aquarum cura incumbit. Algis, angelus est summorum deorum. Ausca, dea est radiorum solis vel occubentis, vel supra horizontem ascendentis. Bezlea dea vespertina, Breksta tenebrarum. Ligicuz, is Deus esse putatur, qui concordia inter homines, & auctor est & conseruator. Datanus donator est bonorum, seu largitor. Kirnis cærasos arcis alicuius secundum lacum sitæ curat. in quos, placandi eius causa, gallos mactatos in iungiunt, cæreosque accensos in eis figunt. nimirum sicut ille avarus Euclio apud Plaut. in Aul. ture ac corona laris gratiæ aucupabatur:

*Nunc tusculum emi, & hasce coronas floreas,*

*Hæc imponentur in foco, nostro lari:*

*Vt fortunatas faciat natae nuptias.*

Kremata porcorum ac suum est Deus. cui similiter focios excitant, & ceruism super eas fundunt. Pizio iuuentus, sponsam adductura sponso, sacrum facit. puellæ quoque quandam Gondu adorant & inuocant. Modeina & Ragaina sylvestres sunt dij: vti Kierpicuz huiusque adiutor Silinicuz, musci in sylvis nascentes: cuius in ædificiis magnus apud illos est vsus. huic etiam muscum lecturi sacrificant. Tavvals Deus, auctor facultatum. Orthus lacus est piscolus quem colunt, quemadmodum & Ezernim lacuum Deum.

Sunt etiam quædam veteres Nobilium familiæ, quæ peculiares colunt deos. vt Mikutiana Simonaitem, Michelouiciana Sidzium, Schemietiana & Kiesgaliana Ventis Rekiczioum, aliæ alios. Kurvvaiczin Eraiczin agnellorum est deus; est & Gardunithis custos corundem recens editorum. Prigristitis hic est.

qui murmurantes exaudire putatur. iubent igitur ut quis summisso murmure, hoc vel illud loquatur, ne clamantem Prigirstis audiat. Dershitos pacem conciliat. vt & Bentis is creditur, qui efficit, vt duo vel plures simul, iter aliquod instituant. Lavvkipatio ituri aratum vel satum supplicant. Priparscis est, qui augere nefrendes existimatur. Ratainicza equorum habetur deus, vt Walgina aliorum pecorum. Krikstos crucis in tumulis sepulchorum custodit.

*Dianatio-  
nes.*

Sunt & omnium auguriorum, diuinationumque obseruantes. habentq; Apidome mutati domicilij deum. nato cuiusvis generis, vel cœco vel debili pullo, actutum sedes mutantur. Quin ipse quoque rex Wladislaus, gente Lituanus, has à matre superstitiones didicerat, vt eum diem infaustum sibi futurum crederet, quo primùm calceum sinistrum fortuitò accepisset, adhoc mouebat se interdum in gyrum stans pede vno, foras è cubili proditurus. quorum similia multa obseruantur ab Samagitis. Ita olim Germani, Plutarcho in Caio Cæsare teste, nō antè prælium cum hoste committebant, quām noua luna fulsisset. Et nostrū qui-dam infeliciter se venaturos sibi persuadent, si domo egressis mulier occurrat, seu quis certum numerum capiendorum leporum, vulpium, luporum nominet. Krakis suum est deus, qui religiosè colitur ab Budraicis, hoc est, fabris ferrarijs. Lasdonia auelanarum, Babilos apum dijsunt, hunc Russi Zosim cognominant. Sunt etiam deæ, Zemina terrestris, Austheia apum. vtræq; incrementa facere creduntur: ac cùm examinantur apes, quod plures in alueos aliunde adducant; & fucus ab eis arceant, ro-gantur.

*Mellis co-  
pia.*

Nusquam autem vel candidius mel est, vel minus cæræ habet. vnde illæ massæ cæræ, quæ nauibus in Belgium, Galliam, Hispaniam deportantur. Præterea, sunt certis agris, quemadmodum nobilioribus familijs, singulares dei. videlicet Deuoitis a-gri Poiurskij, Vetustis Retovskij, Guboi ac Tvvrticos Sarakovskij, Kirnis Plotelscij. Vielona Deus animarum. cui tum oblatio offertur, cùm mortui pascuntur. dari autem illi solent frixæ placentulæ, quatuor locis sibi oppositis, paullulum discis-sæ. ex Sikies Vielonia pemixlos nominantur. Warpulis is esse puta-

putatur, qui sonitum ante & post tonitru, in aere facit. Cæterū quid agant Salaus, Szlotrazis, Tiklis, Birzulis, Siricus, Dvargonth, Klamals, Atlaibos, alijque eius generis, non libenter id Christianis aperiunt. Opitulatores illos hominum esse, ideoque invocando peritus habent. Numicias, vocant domesticos. vt est Vblanicza deus, cui curæ est omnis supplex. Dugnai dea, præ-  
*Dii dome-  
fici.*

est farinæ subactæ. Pessejas, inter pullos omnis generis recens natos, post focum latet. Tratitas Kirbixtu, deaster est, qui scintillas tugurii restinguit. Alabathis, quem linum pexuri in auxiliū vocant. Polengabia diua est, cui foci lucentis administratio creditur. Aspelenie, angularis. Budintaia, hominem dormientem excitat. Matergabiæ deæ offertur à fœmina ea placenta, quæ prima è maestra sumta dígitoque notata, in furno coquitur. hanc pòst, non aliis quām paterfamiliâs, vel eius coniux comedit. Si-mili modo Rauguzemapatí offerunt, posteaque ehibunt, pri-mum vel ceruisiae vel aquæ mulsæ, è dolio hauriunt. quem Nulaidimos, illum autem primum è massa exemptum panem, Tas-virzis cognominant. Eadem ceruisario deo offert, id est, præbi-bit paterfamiliâs ceruisię, post fæces acceptas intumescentis, spu-mantem pateram. tum demum & alii hauriunt. Si is absit, mater id familiâs facit. Luibegeldas diuas venerantes, ita compellant: *Luibegelda per mare porire sekles gillie skaute. Vos dea transmisisti ad nos omnia semina filiginea, in putamine glandis.*

Eadem turba agrestis, vt est auctor Alexander Gvagninus, in Sarmatia, sub finem mensis Octobris, frugib. planè collectis, so-lennie quoddam sacrificiū, eo modo celebrat. nam omnes ad sa-cræ epulas coacti, mensæ fœnum, postea panem, ac ex vtraq; par-te duo vasa ceruisiæ plena imponunt. deinde adducta vtriusque sexus domestica animalia, sue, gallo, ansere, vitulo, & si quæ sunt alia, hoc ritu maestant. primus augur, certa verba prolocutus, animalis caput cæteraq; membra fulte verberat: quem turba idem agens, ac hæc dicens sequitur: *Hæc tibi ô Zemiennik deus gratias agen-tes offerimus: quod nos hoc anno incolumes conseruaris, & omnia nobis ab-unde dederis. idem vt & in posterum facias, te oramus.*

Antequam verò ipsi comedant, uniuscuiusq; ferculi portiunculam abscisam, in omnes domus angulos, ista dicentes abiiciunt;

Accipe ô Zemienik grato animo sacrificium: atq; latus comedere. tum de-  
sum ipsi quoq; prælautē epulantur. qui ritus etiam in nōnullis  
Lituaniæ atq; Russiæ locis obseruatur, ac Ilgi dicitur. fieri id sa-  
crum Lascouius ait postridie festi omnium sanctorum. qui dies  
est secundus Nouembbris. quo die Samagitæ. Prūsis, quibus erant  
oppignerati, qui que in terra ipsorum fuere, excisis, Vitoldo duci  
Lituaniæ, (qui diem obiit 1430. 27. Octob. Wladislai Iagiello-  
nis, patruelis frater) fefe vltro subiecerunt. Tertio post Ilgas die,  
deum Vvaizganthos colunt virgines, vt illius beneficio, tam lini  
quām cannabis habeant copiam. vbi altissima illarum, impleto  
placentulis, quas Sikies vocant, sinu, & stans pede vno in sedili,  
manuq; sinistra sursum elata, librum prolixū, vel tiliæ vel vimo  
detractum ( ex quo etiam calceos contexunt ) dextra verò crate-  
rem ceruifiae, hæc loquens teneret: *VVaizganthos deuaite auging mani  
linus teip ilgies, ik mani, nie duoknunus nogus eithi. Waizganthos, inquit,*  
*produc nobis tam altum linum, quām ego nunc alta sum; néve nos nudos  
incedere permittas.* post hæc craterem exhaustum ( nam & fœminæ  
bibaces sunt ) impletum q; rursum, deo in terram effundit, & pla-  
centas è sinu ejicit, à deastris, si qui sunt VVaizgantho, comeden-  
das. Si hæc peragens, firma perfest, bonum lini prouentum anno  
seuenti futurum, in animum inducit. Si lapsa, pede altero nita-  
tur, dubitat de futura copia, fidemq; effectus sequitur. Iisdem fe-  
riis, mortuos è tumulis ad balneum & epulas inuitant: toridem-  
que sedilia, mantilia, indusia, quot inuitati fuerint, in tugurio  
eam ad rem præparato ponunt, mensam cibo, potu onerant. de-  
hinc in sua mapalia reuersi, triduum compotant. quo exacto, illa  
omnia in sepulcris, potu perfusis, relinquent. tandem etiam ma-  
nibus valedicunt. Interea hæc iij auferunt, qui in syluis arbores  
cineris causa, quo fullones transmarini carere nequeunt, combu-  
runt, & afferes faciunt, nauium materiam, in Oceanum mitten-  
dam. consimili huic errore, Christiani, seculo beati Augustini, in  
cœmiteriis apud memorias defunctorum, vt idem epistola 64.  
ait, comeſabantur.

Liuonum  
superſtitio.

Veri quoq; Liuones hoc tempore, qui dura Germanorum ser-  
uitute premuntur, monumentis mortuorum cibum, potum, se-  
curim, & non nihil pecunie, hac cum nænia imponunt: Transi in-  
quit

Prussi tri-  
cidati.

Parentalia.

quit ô miser ab hoc rerum statu, in mundum meliorem. Vbi non tibi Ger-  
mani amplius, sed tu illis imperabis. habes arma, cibum, viaticum.

Cum autem nimia æstatis breuitas, fruges demessas, planè sic-  
cari non sinat, fit hoc sub testis ad ignem. Tum verò precandus  
est illis hisce verbis Gabie deus: *Gabie deuaite pokielki, garunuleiski  
kirbixstu. Flammam inquit eleua, at ne demittas scintillas.*

Smik Smik Perleuenu. hunc deum Lituani vere araturi, vene-  
rantur. prima agri lyra vomere facta, huius ipsius est. quam huic  
qui illam duxit, toto anno transgredi haud licet: alioquin diuum  
sibi infensum haberet.

Skierstuvves festum est farciminū, ad quod deum Ezagulis ita  
vocant: *Vielona velos atreik musmup vnd stala. Veni, inquit, cum  
mortuis, farcima nobiscum manducaturus.*

Aitvvaros est incubus, qui post sepes habitat. id enim verbum  
ipsum significat.

Kaukie, sunt lemures, quos Russi Vboze appellant: barbatuli,  
altitudine vnius palmi extensi: ijs qui illos esse credunt conspi-  
cui: aliis minimè. his cibi omnis edulii apponuntur. quod nisi fiat,  
ea sunt opinione, vt ideo suas fortunas ( id quod accidit ) amit-  
tant: nutrunt etiam quasi deos penates, nigri coloris, obesos &  
quadrupedes, quosdam serpentes, Guoitios vocatos. hos timore  
perculti, dum ex antris ædium ad pastum appositum prorepunt,  
seq; pasti in ea recipiunt, aspiciunt & colunt. Si quid infortunij  
accidat cultori, serpentem malè fuisse tractatum censem.

Srutis, & Miechutele, colorum dij sunt: quos in sylvis, colores  
ad lanam tingendam querentes venerantur.

Isti sunt pluresq; alij vulgi Samagitarum dij. quemadmodum  
apostolus, Sunt inquit dij & domini multi, i. Corin. 8. at Christia-  
norum Vnus Deus est, Pater Filius & Spiritus Sanctus. in cuius  
nomine sacrum Baptisma sumitur. & in quem, iuxta formulam  
symboli Apost. creditur. qui personis discreti, essentia vnū sunt.  
omnia quæ hæc mundi machina continet, fecerūt, neq; posthæc  
orientur: Pater inquit meus vsq; adhuc operatur & ego operor.

Et tamen permulti sunt Christiani, qui hoc ynico omnipotenti  
numine minimè contenti, & tam Samagitas quām veteres ido-  
lolatras imitati, alios sibi ipsi adiutores finxerit. Iohannes enim

Lemures  
palmares.

Dii falsorū  
Christiano-  
rum.

& Paulus superstitione opinione illorum, quæq; noxia à segetib;  
auertit. Ignis Agathæ, ceu Vestæ datus est curādus. Florianus mi-  
les, incendia restinguunt. vt quidem hæc lib. de Origine erroris re-  
censet Bullingerus. Nicolaus, quasi alter Neptunus, maris curam  
gerit. idem à periclitantibus, iis vocibus excitatur: O sancte Ni-  
colae, nos ad portum maris trahe. eidem facella in littorib. con-  
securatur. huius collega est, gigas Christoph. Canitur & B. Virgi-  
ni, exortis procellis istud carmen: Ave maris stella, Dei mater alma. Et, Salve Regina misericordie, vita & spes nostra. ad te clama-  
mus. Vino præfet Urbanus. Rubiginem frumenti purgat Iodocus.  
Brucos depellit Magnus. Anseres curæ sunt sancto Gallo, oves  
Vendelino, equi Eulogio, boues Pelagio, porci Antonio. alia no-  
mina in alijs regionibus, harum similiumq; rerum facti curatores  
habent. Gertrudis mures à colis mulierum abigit. Literarum stu-  
diosi Catharinam Virginem Alexandrinam, veluti alteram Mi-  
neruam, alii verò Gregorium, quasi Mercurium colunt, ac huius  
die festo primū, suos natos, in scholas mittunt. Pictores Lucā,  
Medici Cosmam & Damianum, fabri Eulogium, calcearij Cri-  
spinum, Sarctores Gutmanū, figuli quandam Goarum, venatores  
Eustachium ciuem Romanum, scorta Aphram & Magdalenam  
inuocant. supplicant alij alijs, ac in periculis vitæ constituti, vo-  
ta illis nuncupat: in hos tutelam sui reiiciunt. Imploratur in pe-  
stilentia, vt olim Apollo, Sebаст. in morbo Gall. Rochus in febri  
Petronella, in dolore capitis Ita: dentium Apollonia, in partu  
Margarita, quemadmodū quondam Iuno ac Lucina. Ioh. Euang.  
à veneno conseruat. Wolfgang. contractorū Medicus est. Ro-  
manus Dæmoniacos soluit. Marcus mortem repentinam auertit.  
Martinus miseriam. quem & ego puer hisce verbis inclamabam:  
*Martine Sancte Pontifex, sis miserorū opifex, fer opem tuū famulis.* Leon-  
hard. vinctorum compedes rumpit. Vincentius amissa restituit.  
Valentin. comitiali morbo laborantes sanat. quapropter nos epi-  
lepsia, Valen. morbū vocamus. Susanna ignominia arcet. Otilia  
oculis ægrotorū medetur. collo præsider Blasius, scapulis Laur.  
Erasmi venter est totus. Nicolaus apud nos gregis est custodia in-  
iuncta. Andreas, vigilia festi sui inuocat⁹ à iejunis puellis, futuros  
illarum viros præmonstrat. Barbara à cædib. bellicis conseruat.  
quocir-

quocirca tum à nostræ gentis hominibus in auxilium magnis  
clamoribus elicitor. inuocatur & virgo Maria, cuius carmen,  
Deipara vocatum, ab ijs qui in bellum proficiscuntur decanta-  
tur, legibus additum nostris. Adeò etiam periculosis temporibus,  
Deus seruator omnium suo honore fraudatur.

Præterea sunt patroni terrarum constituti, non diuina, sed hu-  
mana voluntate. Stanislaus Polonorum, Albertus Prussorum, Defensores  
Nicolaus Moscorum, Martinus Germanorum, Iacobus Hispa-  
norum, Dionysius Gallorum, Petrus, Paulus Romanorum, Mar-  
cus Venetorum, tres magi Colonientium, Ambrosius Mediola-  
nensis, virgo Maria & Ladislaus Hungarorum. quod etiam  
aurei nummi testantur. at quis non vider, quomodo ijs suas pro-  
vincias tueantur?

Ridet hæc suauiter in Naufragio Erasmus Rot. minimè Lu-  
theranus. Quamobrem tu, inquit, nullius diuī præsidium im-  
plorasti? Quia spacio sum est cœlum, respondet alter. Si cui diu  
commendaro meam salutem, puta sancto Petro, qui fortasse pri-  
mus audiet, quod adstet ostio, priusquam ille conueniat Deum,  
priusquam exponat causam, ego iam periero. redit adibam ipsum  
patrem, dicens: Pater noster qui es in cœlis. nemo diuorum illo  
citius audit, aut libentius donat quod petitur.

Verū cùm omnis historia quoquo modo scripta delectet, *Historia de-  
lectat.*  
non pigebit lectoris causa de moribus nostrorum Sarmatarum  
plura adscribere. Hæc igitur Iohannes Meletius Archipresbyter  
Ecclesiæ Licensis in Prussia, Anno salutiferi partus 1553. ad  
Georgium Sabinum poëtam, litteris prodidit. quæ etiamnum  
multis in locis obseruantur. Die Georgij sacrificium faciunt  
Pergrubrio. qui florū, plantarum omniumque germinum deus  
creditur. Sacrificulus enim, quem Wurschaiten appellant, tenet  
dextra obbam ceruissæ plenam, inuocatoq; dæmonij nomine,  
decantat illius laudes. Tu, inquit, abigis hyemem, tu reducis amenita-  
tem veris, per te agri & horti vigent, per te nemora & sylva frondent. hac  
cantilena finita, dentibus apprehendēs obbam, ebit ceruissam  
nulla adhibita manu: ipsamq; obbam, ita mordicus eportam, re-  
tro, supra caput iacit. quæ cùm è terra sublata, iterum implera  
est: omnes quotquot adiunt, ex ea bibunt ordine, atq; in laudem

*Plura de  
diis Sarma-  
ticis.*

Pergrubrij hymnum canunt. postea epulantur tota die & chorreas ducunt.

Similiter, quando iam segetes sunt maturæ, rustici in agris ad sacrificium congregantur. quod lingua Ruthenica Zazinek vocatur, id est, initium messis. hoc sacro peracto, unus è multitudine electus, messem auspicatur, manipulo demesso, quem dominum ad fert. postridie omnes, primò illius domestici, deinde cæteri quicunque volunt, messem faciunt. facta autem messe, solenne sacrificium pro gratiarum actione conficiunt. quod Ruthenica lingua Ozinek, id est, consummatio messis dicitur. in hoc sacrificio, Sudini Borussiæ populi, apud quos succinū colligitur, capro litant. congregato namq; populi cœtu in horreo, adducitur caper. quem Vvurschaites maestaturus, imponit victimæ utramq; manum, inuocatque ordine dæmones, quos ipsi deos esse credunt. videlicet Occopiruum, deum cœli & terræ, Antrimpum maris, Gardoeten nautarum, Potrympum fluviorum ac fontium, Piluitum diuinarum, Pergrubrium veris, Paraguum tonitruum ac tempestatum, Pocclū inferni ac tenebrarum, Pocollum aërorum spirituum, Putscetum sacrorum lucorum tutorem, Auscūtum incolumentis & ægritudinis, Marcoppolum magnatum & nobilium, Barstuccas, quos Germani Erdmenlin, hoc est, subterraneos vocant. His inuocatis, quotquot adsunt in horreo, omnes simul extollunt caprum, sublimemq; tenent, donec canatur hymnus. quo finito, rursus eum sistunt in terra. Tum sacrificulus admonet populum ut solenne hoc sacrificium, à majoribus piè institutum, summa cum veneratione faciant, eiusque memoriam religiosè ad posteros conseruent. Posthæc maestat victimam, sanguinemq; patina exceptum dispergit; carnem verò tradit mulieribus, eodem in horreo coquendam. quæ interea dum caro coquitur, parant è farina filiginea placetas. quas non imponunt in furnum, sed viri focum circumstantes, hinc illinc per focum iaciunt absque cessatione, quoad indurescant & coquantur. his peractis epulantur atque helluantur tota die ac nocte, usque ad vomitum. deinde summo mane extra villam progrediuntur. vbi reliquias epularum certo in loco

Inuocatio  
deorum.

victima.

loco terra operiunt, ne vel à volatilibus, vel à feris diripiantur. postea suam quisque domum repetit.

Cæterum ex omnibus Sarmatiæ gentibus, Borussis, Liuonibus, Samagitis, Russis, multi adhuc singulare veneratione colunt Putscetum, qui sacris arboribus & lucis præest. is sub sambuco domicilium habere creditur. cui passim homines litanter, pane, ceruisia aliisque cibis sub hac arbore positis, precentes eum ut placatum efficiat Marcoppolum, deum magnatum & nobilium, ne graui seruitute ab illis premantur: vtque sibi mittantur Barstuccæ, quibus in domibus ipsorum viuentibus, credunt se fieri fortunatores. His ipsi collocant vesperi in horreo super mensam, mappa strata, panes, caseos, butyrum & ceruisiam. nec dubitant de fortunarum accessione, si mane hos cibos absumptos reperiant. Quod si aliquando intactus cibus in mensa remanet, magna anguntur cura, nihil non aduersi intuentes. Eadem gentes colunt spiritus quosdam visibles, qui lingua Ruthenica Coltri, Græca Cobili, Germanica Coboldi vocantur. Hos habitare credunt in occulis etiam ædium locis, vel in congerie lignorum. Nutriuntque eos laute omni ciborum genere, eo quod afferre soleant altoribus suis frumentum, ex alienis horreis furto ablatum. Cum verò hi spiritus alicubi habitare atque alii cupiunt, hoc modo suam erga patrem familias voluntatem declarant: in domo congerunt noctu segmenta lignorum, & multris lacte plenis imponunt varia animalium stercore. Quod vbi paterfamilias animaduerterit, nec segmenta dissipauerit, nec stercore è multris eiecerit, sed de inquinato lacte cum omni sua familia comedenter, tunc illi apparere permanereque dicuntur. Præterea Lituani & Samagitæ in domibus sub fornace, vel in angulo vaporarij vbi mensa stat, serpentes fouent. quos numinis instar colentes, certo anni tempore precibus sacrificuli, euocant ad mensam. Hi verò exēentes per mundum linteolum condescendunt, & super mensam morantur. Vbi delibatis singulis ferculis, rursus discedunt, sequē abundū in cauernis. Serpentibus digressis, homines læti fercula prægustata comedunt, ac sperant illo anno omnia

*Penates.*

*Cultus spiri-  
tuum.*

prosperè sibi euentura. Quod si ad preces sacrificuli, non exierint serpentes, aut fercula apposita non delibauerint: tum credunt se anno illo subituros magnam calamitatem. Adhuc eadem gentes habent inter se sortilegos, qui lingua Ruthenica Burti vocantur. iij Potrumpum inuocantes, cæram in aquam fundunt, atq; ex imaginibus inter fundendum expressis, pronuntiant & vaticinātur, de quibuscunq; rebus interrogati fuerint. Noui ipse mulierculam, quæ cùm diu redditum filij absens expectasset, ex Borussia in Daniam profecti, cōsuluit super eo sortilegum. à quo edocta est, naufragio illum periisse. cæra enim in aquam fusa, expressit formam fractæ nauis, effigiem resupini hominis iuxta nauim fluitantis. Apud Samagitas est mons ad fluuium Neuuasam situs, in cuius vertice olim perpetuus ignis à sacerdote conservabatur, in honorem Pargni, qui tonitruum & tempestatum potens esse, à superstitione gente adhuc creditur.

Hactenus de sacrificijs. nunc de ritibus nuptiarum ac funerum, non minus ridicula quam superstitione narrabo.

Ritus nup  
tiales.

Apud Sudinos, Curonenses, Samagitas, & Lituanos nubiles puellæ multis in locis gestat tintinnabulum, quod funiculo alligatum, è cingulo dependet usq; ad genua, nec ducuntur, sed rapiuntur, in matrimonium, veteri Lacedemoniorum more à Lycurgo instituto. rapiuntur autem non ab ipso sposo, sed à duabus eius cognatis, ac postquam raptæ sunt, tunc primùm requisito parentum consensu, matrimonium contrahitur. Cùm nuptiæ celebrantur, sponsa ter dicitur circa focum: deinde ibidem in sella collocatur, super quam sedenti, pedes lauantur aqua. qua letus nuptialis, tota supellex domestica, & inuitati ad nuptias hospites conspurguntur. Postea sponsæ os oblinitur melle & oculi teguntur velamine, quibus sic velatis, ducta ad omnes eodium fore, iubetur eas attingere dextroque pulsare pede. ad singulas fores circumspexit tritico, silagine, auena, hordeo, pisis, fabis, papauere, sequente uno sponsam cum sacco pleno omnis generis frugum. Cumq; eam hic circumspexit, inquit, nihil defuturum sponsæ si religionem coluerit, remq; domesticam ea qua debet diligentia curauerit. His actis aufertur sponsæ velamen ab oculis, & conuiuum celebratur. Similis olim obnubendi ratio

capitis

capitis apud Latinos, nuptæ nuptiarumq; nomen dedit. Vesperi sponsæ ad lectum deducendæ, absinduntur inter saltandum crines. tum ei à mulieribus imponitur sertum, albo linteolo obolutum, quod vxorib. gestare licet donec filium pepererint. tadiu enim se pro virginibus gerunt. ad extremum introducitur in cubiculum: pulsataq; & verberata aliarum pugnis, non iratarum, sed nimia quadam lætitia gestientium, in lectum iniecitur sponsoq; traditur. tum pro bellarijs afferuntur testiculi caprini vel vrsini, quib. illo nuptiali tempore manducatis, creduntur coniuges fieri fœundi. Eandem ob causam nullum animal castratum ad nuptias maestatur. Contrà in funeribus hic seruatur à rusticis ritus: Defunctorum enim cadaueria vestibus & calceis induuntur Parentalia. & erecta super sellam locantur, quibus assidentes propinqui perporant ac helluantur. epota vero ceruisia, fit hisce verbis lingua Ruthenica funebri lamentatio: Halele i procz ti mene vmarl i zatnie mielzto iest, abo pit i procz ti vmarl halele, i zati nie miel Krasnoje miodzice i procz ti vmarl id est, Hei hei quare tu mihi mortuus es? an non quod comederes vel biberes habuisti? quare mortem obiisti? hei hei mihi, num formosa coniuge caruisti? cur diem obiisti? Hoc modo lamentantes enumerant ordine omnia externa mortui bona, liberos, oues, boues, equos, anseres, gallinas, ad quæ singula respondentes, occidunt hanc nænam: Cum hæc habueris, quam obrem mortuus es? Lamentatione absoluta, dantur cadaueri munuscula. mulieri fila cum acu: viro linteolum collo eius implicatum. Cùm ad sepulturam effertur cadauer, pleriq; equis funus prosequuntur, & ad currum obequitant, quo cadauer vehitur. Strictisq; gladijs verberat auras, vociferantes, Geigeite begaite pekelle. Eia fugite dæ. Demones fugantur. in Orcum. Qui funus mortuo faciūt, nummos projiciunt in sepulchrum, futurum mortui viaticum, panem quoq; & lagenam ceruisię plenam, ad caput cadaueris in sepulchrum illati, ne anima vel sibi sit vel esuriat, collocat. Vxor vero tam oriente quam occidente sole, super extinti coniugis sepulchrum sedes vel iacens, lamentatur diebus triginta. Cæterum cognati celebrant coniuicia die à funere tertio sexto, nono & quadragesimo, ad quæ animam defuncti inuitant, precates ante ianuam. Vbi tacite assident mensæ, tanquam muti, nec ventur cultris: ministrantibus

H

duabus mulieribus, sed absq; cultris, cibumq; hospitibus appo-  
nentibus. Singuli verò de unoquoq; ferculo aliquid infra men-  
sam abiecunt, quo animam pasci credunt, eiq; potum effundunt.  
Si quid forte decidat in terram de mensa, id non tollunt: sed de-  
fertis, ut ipsi loquuntur animis, quæ nulos habent vel cognatos  
vel amicos viuos, à quib. excipiuntur conuiuio, relinquunt man-  
ducandum. Peracto prandio, surgit à mensa sacrificulus, & scopis  
domum verrens, animas mortuorum cum puluere, tanquam pu-  
lices, hęc dicens eisicit, *leti, pili, duſice, nu ven, nu ven,* *Edisti inquit, bi-*  
*bistu, anima, ite foras, ite foras.* posthac incipiunt conuiuae inter se  
colloqui & certare poculis, mulieribus viris præbibentibus, &  
viris vicissim illis, seq; inuicem osculantibus. Hæc de parenta-  
libus paganorum, quorum & sanctus Augustinus sermone 15. de  
sanctis meminit: Miror inquit cur apud quosdam infideles hodie  
tam perniciosus error in creuerit, ut super tumulos defunctorum  
cibos & vina conferant, quasi egressæ de corporib. animæ, carna-  
les cibos requirant. epulas enim & refectiones, caro tātūm requi-  
rit, spiritus autē & anima ijs non indigēt. Parare aliquis suis cha-  
ris dicit, quod ipse deuorat, quod præstat ventri, imputat pietati.

## DE RELIGIONE ARMENIORVM.

**A**RMENII à Thaddæo Apostolo, quem Christus ad  
Abgarum Regem Edessenorum, ut Eusebius lib. 1. hi-  
storiae tradidit, cum epistola alegauerat, religionem  
Christianam se didicisse, arcam Noe sua in regione cō-  
sedisse, genuq; humanum in ea propagari esse gloriantur: Quod  
ut verum esse concedamus: fatendum est tamen, quædam illos,  
ut multos alios, minimè Apostolica in ysu habere. quæ rerum  
omnium conditio est, ut eæ procedente tempore, à sua origine  
degenerent atque deflectant. Extat fidei illorum in Deum sati  
orthodoxa formula, ab Abdia Prætorio Latina facta, Vitebergæ  
typis edita. Nobis hic sermo est de ijs, qui Leopoli in Russia, vr-  
be regis Polonizæ, sedes pridem fixerunt suas. Viri honesti, hu-  
mani, aperti, generosi, oris liberi, sed tamen cauti, elegantes, mun-  
di, locupletes, vultu nitidi, barbis nigri, mercionis per orien-  
tales plagas dediti, in redimendis captiuis Christiani nominis,  
& dan-

& dandis eleemosynis liberales, habent Leopoli Episcopum:  
qui Anno nati mundi Seruatoris 1574. cùm Constantinopoli  
esset, ego cum duobus sacerdotibus (sunt autem sex) de Religio-  
ne ipsorum collocutus sum. à Papa Romano, inde à temporibus  
Calixti, nihil accipiunt: nec eum pro capite Ecclesię agnoscent.  
Lingua vernacula, sacra sua obeunt, in liturgia Sacramentum  
eleuant: idemq; pro viuis & mortuis Deo offerunt ac in ciborio  
ægrotorum causa feruant. Processiones, quas vocant, non cum  
sacramento, sed in memoriam Christi, qui huc atque illuc itabat,  
faciunt ac retinent. matrimonia sacrilegū hisce verbis, *Quos Deus*  
*coniunxit, ne homo se iungat,* confirmant.

In templis terna altaria habent. ad maius versi sese inclinant  
signoque crucis signant. Liturgias sacerdotes conducti pretio, ut  
conductoris mentio nominatim in eis fiat, celebrant. ante maius  
altare, itidem ut Russi, vellum nigrum expandunt, vnde ij qui  
sacris operantur, ad populum prodeunt. prope hunc locum, qui  
chorus appellatur, mares, foemine remotius ab eo supplicant: At  
Russi simul cum mulieribus, imagines utriusque colunt. Armenio-  
rum crebrius quam Russorum sacerdotes concionantur.

In Sacramento eucharistiae, elementa naturas suas amittere  
negant, intinctum in calice panem similagineum, plebi por-  
gunt. Aquam vino non miscent. Sacramentum religiosius Rus-  
sis venerantur: persuasi Christum esse in illo, qualem Maria pe-  
perit; incarnatione semel facta, talem naturam diuinam cum huma-  
na coniunctionem societatemque esse, ut eæ ne tum quoque cùm  
pateretur, separatae fuerint, nec vñquam separari possint. Chri-  
stum plus quiddam in liturgia pati, quam in cruce perpessus sit,  
ex Chrysostomo hauserunt. id autem, corporis eius Sacramen-  
tum fractionem dicunt. Quærente verò me ex illis, quo id fieret  
modo, siquidem naturam panis & vini, etiam facta consecratione,  
immutatae permanerent: vi diuina, respondebat, cui fides haben-  
da sit. Minus in eo sunt religiosi Russi. quoru sacerdos ex allatis  
in templum grandib. panibus (adferit autem unus vir, vel vnum *Oblationes.*  
vel duos vel tres, quos plascuras vocant) orbiculum Sacramenti  
causa excindit, ac consecrat. cuius panis eo excisi modo fit inter-  
dum tantus numerus, ut superet capita sumentium abiiciaturq;

à Sacrocola mucidus in angulum, aut terra obruatut, vel in alium conuertatur vsum. quod Armenij vehementer improbat. Sunt & ieunia Armenij duriora Russicis. nam præter diem Mercurij & Veneris, quibus solis legumi inibus vescuntur, Russis pisces quoq; addentibus, quotannis ter quadraginta dies ieunant: si est ieunium dicendum, quotidie semel edere. Mosis ieunium ante natalem domini, Christi ante pascha, Eliæ ante festū crucis obseruant. Tempa in honorē sanctorum edificant. Beata Mariam matrem Domini, ita ut alij mortales natcuntur, conceptam natamque esse: sed postea sanctam factam, & ut Dei mater fieret semperque illibata virgo maneret, persuasum habent. Patrem, Filium & Spiritum S. esse Vnum Deum: Spiritum à solo Patre ad Filium, ab hoc ad Ecclesiam procedere ac mitti credunt. Omnia Biblia scripta admittunt. præter quæ, alia quoque multa & Canonem sancti Iacobi, pro Apostolicis ducunt. non potuisse ad nos Occidentales multa ab Orientalibus scripta peruenire, sed apud se plura esse autumant. Baptisma sacrum in nomine Patris, Filij & Spiritus Sancti accipiunt: ad quod infantes admittunt.

Tria concilia approbant, Nicentum, Ephesnum, Constantiopolitanum: at Chalcedonense reiiciunt.

Sacerdotes illorum quemadmodum Russorum, vxores ducunt. Attamen contenti eleemosynis, nullas possessiones tenent, nec artes mechanicas exercent. Quorum vñus à me de iustificatione hominis apud Deum, rogatus, respondit eam contingere operibus piis, videlicet precibus, ieunio, eleemosynis, de quibus ipiusmet Christi in Euangilio Matthæi præcepta exstant. Eadem de re interrogatus iunior, sed sapientior, id responsi dedit, solum Christum vniuersuſq; credentis iustitiam esse. tamen homines pietati incumbere debere: ut ex fructib. arbor vel bona vel mala esse cognoscatur. Idem aiebant se ab Henrico Gallo rege, ducentos florenos annui salarii, ad leuandam inopiam petiſſez quos promisſos, clandestinus eius ē regno exceſſus,

(dies fuit vel postiū nox 18. Iunij anni 1574.)  
non sicut habere.

IOHAN-



JOHANNIS LASICCI,  
DE INITIO REGIMINIS  
STEPHANI REGIS  
fortissimi.  
AD GENEROSISS. VIRVM,  
D. Io. Gaieroski, Surrogatum & Vicecapitaneum  
Posnaniensem.

**E**NRICO in patriam, morte Fratris cognita, nostris inscijs reuerso, (nox erat 18. Iunij, qua Cracovia excessit) sedecim menses consumti sunt, quibus nobis vanam spem sui reditus faciebat. Tandem indictis Varsavię, Regi constantiori legendo, 8. Nouemb. 1575. comitijs, pars Senatus non expectato consensu Nobilitatis, cuius est magna apud nos auctoritas, MAXIMILIANVM IMPERATOREM 12. Decemb. pars Nobilitati adhaerens, à Germano, metu Turcarum bellum minitantium abhorrenti, STEPHANVM BATORIVM de Somlio, Voiuodam Transyluaniae Regem perendie pronuntiat. fit confessim ingens dissensio. Sed Equestris Ordinis consentientis, potiores fuere partes. ac dum cunctatur, accitus à suis bonus MAXIMILIANS, dissidio intestino permotus: aduolat Cracoviam STEPHANVS, longo per Valachiam circuitu facto, 17. Aprilis, 1576. quingentorum ferè equitum Hungarorum, mille peditum iaculatorum comitatū stipatus, virad regendam, vel maximam Rempublicam natura factus. Is coronandus Kalend. Maij,

Duo Reges  
creati.

matrimonium contrahit cum ANNA SIGISMUNDI PRIMI filia, quam CÆSAR ducere non potuit. paucis post horis, dia-dema Regium ab Episcopo accipit Cuiavensi, quod Archiepiscopus Gnesnensis cum Cæsare faceret. prius tamen iurat in leges omnium Regni Ordinum, ac in cōmune fœdus, pacis inter dissentientes Religione conseruandæ.

Quarto ab hinc die, legati Lituanorum, Imperatorias partes tueruntur auditum. deinde diuersæ factionis senatores, per literas commonefacti, ut Rege iam Dei voluntate coronato, ea sponte sequerentur consilia, quæ tranquillitatem reipub. adferrent, contraria vitarent. 22. die arcem Landscoronam, præfecturæ Alberti Laski Cæsari addicti, quassatis eius muris, per deditio[n]em capit. 29. Varsauiam iter capessit, ad disturbandum postremum Cæsariorum concilium, concordiae cuiusdam causa ab Archimyista, primas in Regno tenente, indictum. mirabilis tum fuit Cæsar's fautorum ad Regem transitio, & varijs redeundi in gratiam modi.

Data omnibus venia. Quod in libera Repub. nefas foret non esse libera suffragia. Deo id beneficium vendicatum, quod animis incolarum magnopere exasperatis, res ad arma non venit. Varsauiae Lituanis Rex, & hi vicissim Regi, fidem suam sancte obstringunt. Tum visa Tikocini SIGISMUNDI AVGVSTI relista gaza. 26. die mensis Augusti Toroniam venit: penultimo Prussos ad dandum iuriandum pellicit: breui post Alberto Fridricho Duce in Pruscia hos secuto, soli Dantiscani Cæsari, diutius cæteris adhærentes, debita obsequia negabant; quibus rex, immissis iam ante in territorium illorum cohortibus, non paruam calamitatem intulit.

Interim MAXIMILIANS, loco regni Sarmatici, 12. Octob. cœleste accipit. quæ ipsi dies finem molestiarum attulit ob heroem Batorium, in regno sibi prælatum. Rex prima, sex hebdomadrum comitia, tertio Decemb. absoluit. in quibus vniuersalis expeditio contra quemuis hostem patriæ constituta, bellum aduersus Dantiscanos. 25. Sepemb. Marienburgiæ, regia sententia perduelles appellatos, decretum. priuata auxilia à senatoribus pro-missa.

Stephanus coronatur.

Cæsariani mutante con-silia.

Cæsar diem obit.

Vidimus hic captos ab Hungaris Dantiscanorum Germanos pedites vendi denis florenis, alios pluris vel minoris. Inde Bidgostiam animo in bellum Moscoiticum intento digressus, ductis secum Ferbero & Rosenbergio consulibus, nihil non tentauit, ut Dantiscanum negotium absque Martis alea transigeretur. 25. Ianu. 1577. ad 40. capita petitionis ipsorum clementer respondit, & quæ potuit, concessit. At cum postulata superbiora desingulari in leges illorum iureiurando, & oneribus quibusdam, non exspectato Comitiorum generalium tempore tollendis, id impedirent: bello 11. Febru. legitimè denunciato, frangendam esse ciuium mœnibus fidentium contumaciam statuit. Itaq; egressos portis 16. April. permultos, perendie facto confliktu 4427. cædit, mille capit. e suis, quorum dux erat Io. Sborouius, solum 58. paulo pluribus sauciis amittit. 19. Maij Synodus Ecclesiasticorum habita Petricouïæ sancit, Anathema illum esse, & officio beneficioq; omni priuari debere, qui fœdus Interregni tempore 28. Ianuarii 1573. ad Varsauiam, reclamantibus ordine Ecclesiastico, & quibusdam Catholicis politicis, de pace inter Pontificios & Lutheranos perpetuò seruanda initum approbarit, defenderit eiq; consenserit. Rex Dantiscanos in proposito persistentes 12. Iunij obsider. durauit tres menses obsidio, tam ob sessis (licet fortiter se tuentibus) quam ob silentibus, non nihil attritis. Tandem per legatos 12. Principum Germaniæ 9. Decembbris pace conciliata, oppugnati, imperium regis, leges illorum omnes approbanti, & religionis Lutheranæ vsum, ut omnibus alijs permittentis, agnoscunt, ducenta & viginti florenorum millia eidem intra quinquennium numerant. nihil in agro illorum erat, quod non miles biennij propemodum spatio corruperit. proinde magno illis isthæc peruvicacia, ab irato peccatis Deo immissa, constituit. Deinde Rex, pacato statu Russiæ, superioribus mensibus incurione Tartarorum conturbatae, 14. Octob. 1578. Leopoli Cracouïæ redit: amicitiæ cum Danis, Suecis ac vicinis Germanis iungenda studet. nihil aliud magis animo volens, quam vt Moscos, Lituanis iniurios, coërceret. Siquidem hac conditione Rex creatus, ut à Moscis occupata recuperaret, terminos regni prolataret, & ipse bella gereret.

Bellum Dan-tiscanum.

Confedera-tio.

Conditiones Regis creati.

Inter hæc nouum tribunal, quod regem in bellis occupatum curis leuaret, & Petricouiae maiorum Polonorum causa, & Lublini minorum, voluntate omnium instituitur: & nuncij de tanta strage Moscorum ad Kiesum arcem Liuonicam 24. Octobris, ductore Sapieha, adferuntur, ut in fugam versi, viginti tormenta grandia victori reliquerint. rursum solum eorundem ad 30. millaria Germanica, prope Kereperz & Derpt, duce copiaru Christophoro Radziuilo, mense Februario 1579. euastatum, magnam militi prædam peperit. Quo circa Rex, eiusmodi successu animatus, egressus Cracouia in Lituaniam, Polotzco arcem munitissimam, 30. Augusti hosti adimit. nec maiori negotio capit cæteras, videlicet Crasne, Sitno, Cossian, Turovyla, Socol, Sussa, Sieuies, Niscerna. Cæterum, quod vires maiores audendi maiora facinora haberet, reuertit Varsauiam ad Comitia 22. Nouembris, relictis in confinibus Moscicis, cum exercitu Polono, Mielecio Podoliae Voiuoda: cum Lituano, Radziuilo Vilnenſi itidem Voiuoda, viris expertæ fidei ac virtutis. Venerunt eodem legati Cæsaris Rudolphi, actum de fœderibus, quæ nobis sunt antiquitus cum familia Austriaca, dimissi voti compotes 21. Ianuarij 1580. Exacto viritim tributo, conscripta sunt 60. amplius selectissimorum milia, æstate ad Czaſnicum, 43. ultra Vilnam milliaribus lustrata. quibus per loca aquosa traducendis, pons est talis fabricatus, qui sex horis cuius fluvio, 80. naubus subiectis, imponi, cotidemq; tolli potest. haec nunc copiæ, imperatore Ioanne Zamoifcio, Regni Cancellario litteratissimo, longè lateque effusæ, Moscouiam populantur, erupta fœliciter recuperant, iniurias vlciscuntur. nam res, nec per arbitros decidi, nec per conditiones componi potuit. 14. Martij anni superioris, Mosco pacem per legatos Cracouiam missos, & superbè se gerentes petenti, nunciari Rex ius sit, redderet prius oves lupus deuoratas, tum demum pacem speraret. Habes lector pauca de inclyro rege Stephano, felici sydere electo: ut finis præfationi responderet.

copiosus hæc, si vita suppetet, linguis  
lari scripto persecuturi.

FINIS.



CRACOVIENSIS.

Polotzco  
capta.

Initium bel  
li Moscici.

